


gift

詩書序

記跋

錦南集
乾



Digitized by the Internet Archive
in 2018 with funding from
University of Toronto

錦南文集序

錦南朴公謝世之十有四年丙辰從子勝淵賻其遺文屬相翊以卷首之引相翊幸得及公之世而愚陋甚未遂納拜之願今想仰若隔世人顧安能妄有論述謹就其傳神記讀之蓋悅然而得公也按記曰翁面可法尺額之廣半之眉長而疎瞳微黃鼻隆而耳聳此特外耳直而剛廉而潔是非利害無所較奉先殫其誠簞瓢不繼而不以營私此記之畧也公微近世印影之非真遂以文字代丹青以遺其後人而記之詳且直如此誠儒門之傳神乎獨於文辭自貶也

以爲粗解銀根然翊讀公之詩矣氣厚而充意圓而
灑感慨頓挫判不作兒女子纖巧語翊讀公之文矣
紆餘莊重不樸不絢薰然醇酒而和羹也至若應舉
之作擅聲騷壇者舍不論也蓋其天竅不翳用工刻
勵少日簷端舊麻火養成得許多光焰來繹而味之
得其氣像心術之懿則篇篇皆傳神記也惜乎不能
立揚當世并列於雲臺麟閣之英只把草茅冷澹之
筆留得七分影像而已也雖然是餘事耳外至耳豈
所以論公哉公審乎內外之辨而篤於彝倫之實終
慕之誠因心之愛有大過人者屢空而不戚坎壈而

不憚忠信寬慤與物無競恂恂然先進而野人也公
非有本者歟抑翊之愚重有感焉自嶺運降而川蜀
歧立乎衣冠之林者鮮有能出此波瀾而迺公超然
在岸上守之以靜重濟之以和平以扶淳風而警頽
教非天稟之高素養之深能之乎世之讀是篇者其
必有循公本末而慨然致慕舉以爲士大夫之戒者
矣丁巳朞月上弦世家後生安東權相翊謹序

錦南文集目錄

卷之一

詩

卷之二

書

序

記

跋

卷之三

哀辭

祭文

上樑文

家狀

卷之四

上言

雜著

附錄

錦南文集目錄

錦南文集卷之一

詩

村秀輩請疑題閱中庸拈工字

平常方是道精一又加工珍重師門訣千秋啓我蒙

次夏寒亭門會時韻

寒亭秋霽景寬閒先躅依依俯仰間課月通門傳妙
手文星壓座動歡顏爲緣勝會情親叙邦復靈區化
老慳但願茲遊連歲續吾家亨運好重還

戲作招釵詩

三十年來一釵寒秋蓮幾度激層瀾定知萍價低還

金南史卷之一
踴暗拭苔紋暈作團涉歷風霜勁寸鐵徘徊星斗聳
羣鸞丈夫非惜分相贈長物吾家此亦難

病中有感

支離一病卧兼旬寂寞閒愁到底新安欲階天扶日
月狂思桴海謝風塵莫愁浮世論深契差可明窓對
古人點檢平生還自笑有何事縈過中身

偶吟

登登山不盡去去水逾深造物有何意男兒空費心

謹次族大父月圃公桂壽晬席韻

黃花時早碧山幽六十光陰荏苒秋初度孤心猶壯

志今朝絲髮已童頭雲居一笑欣
竭室海恟千艱送
蜃樓應復鄉園多舊感不妨分日作遨遊

藍石濯髮

石在竹溪基
川兩流之交

濯髮藍之下江風吹我衣斜陽無限景留與白鷗歸

觀卜齋金公

騏獻輓

碩德名賢世所稱公家文獻擅吾榮勿翁孝友繩先
武鐵老詞章又弟兄累世沉淪伸蠖屈初年期負恥
蠅營旁通六藝工逾篤歷事三朝宦未成綺麈瓊談
聲暢朗銀繩玉索筆縱橫興來揮灑千斤力酒後吟
哦四座驚強托琴棋留几案任他鐘鼎小鉗鬻白雲

流水三間屋翠竹幽花數畝耕處事精詳疎亦密臨
文豪放醉猶醒辱官本爲東溟勝郵解空留北斗名
南極老人悲隻鶴西河冤淚祝賢螟功名有數斬天
爵魂夢無常到帝京老髮透巾勅雪氣昏眸拭字動
星精遊心廣漠超塵相托意傾狂閱世情窮道悲歌
餘白雪登門多士說青萍清寒到骨中常坦禍患纏
身外不形阮籍猖狂違賊世靈均詞賦得秋聲詞垣
已閉管皇嚴宅於佩爭超石鼓亭善教熏人誠款懇高
談警世氣崢嶸述懷詩感滄洲興觀卜篇從邵子經
倦馬俄看歸雪路仙驂那意向雲程荒原綠草愚山

近新雨黃梅竹水清津
劔百年重會合泉臺一去閉
幽冥杵紳共說頽山痛
末路其如擿埴行畧綴哀詞
追緇路九原何日可親呈

次金侯啓鎮釋菜時韻

侯德賢明獎後生要將學制返三英
牲豆千秋尊聖教牛刀百里洽仁聲
東序絃歌詳節目南州文物主權衡
秀士嶠鄉今未乏齋筵堪愧冒虛名

哀李統制忠武公

并序

余嘗觀張許睢陽之事未嘗不三復慷慨想
其爲人於千載之下矣今見故李統制忠武

公家乘其忠義壯烈無愧於張許之殉國矣
聖朝之褒贈先儒之撰述既備夷考始終
不覺涕泗之交流夫以散公之孤軍猝遇乘
勝之強敵視水如陸荆爲龜船連戰連勝吾
東之獲免淪陷者其誰之功惜乎凱未返而
被宵人之誣削官抵罪代非其人而全師敗
沒於乎忠臣烈士之與世不遇古今之通患
也前失機會而復任於板蕩之時兵敗身死
無所悔恨百世後讀公遺事不覺扼腕而三
歎況公之忠魂義魄其肯瞑目於地下乎嘻

噫悲夫公諱舜臣字汝諧德水人享忠烈祠

云

大海狂氛氣欲吞三光隱曜九衢昏元戎自恃干城
策聖主曾虛主閫恩錦貝終成群喙詠渙音非待
百年論如今往事憑無跡翹首東天鎖暮雲

敬次西厓先生哀李統制韻

李將軍李將軍忠義凜凜霜天碧一戰八路皆按堵
再戰諸營俱堅壁萬里奔波腥血沸隻手探却鯨鯢
窟元來盛烈衆所忌功成身死誰不惜君莫恨閑山
島上一丸飛昇平日月人感泣墮淚碑下少人行也

應忠魂含憤哭

謹次族祖菊泉翁

明壽

蓮花亭韻

公愛蓮花築是堂百年巖落賁先庄
籬邊菊水秋容淡簷角松風夏氣涼
架軸心專遊聖域簪圭夢願謝名場
朗吟飛下中峯客嗅過斜陽酒一觴

謹次月圃公僑居韻

文章本色是顛癡詩祖江西世莫知
隔水孤邱常眷戀依山蝸屋近營爲
身窮肥瘠皆同越理有消長更問義
聲海奔忙無片隙休言遊子此行邊

謹次影江亭板上韻

剛州名勝地三好一江樓樓上縹箱貯樓前曲水流
林花營營富貴灘石鷺沉浮珍重先賢躅令人更少留

新月

流光園轉暫無閒寒盡春還一月間
部戶明漆厖失睡梅窓影漏豹成斑
詩情爽到吟時髓酒氣歡生病後顏
老去新元逢此夕百憂千慮轉除刪

奉別李侯微宰赴襄陽

賢路行回晚莅榮官居三載一書生
款儒揀胥將心鑑刮瘼剖疑見手衡
靈霈隨車消野魃荒春開廩活溝氓
非渠獨有分張恨闔境人皆願借情

次金表兄禹宗晬席韻

商翁今歲是生年
賢季佳兒設慶筵
此日祭親情倍
愴厥明酬友禮從權
萊庭晝永趨班服
芝榻雲深坐
皓仙壽又富康
兼好德知天降福不徒然

族叔齊崙輓

公家三世我承顏
外角周旋几席間
猥以雕蟲摸大手
難將畫虎學遺斑
荆園得失頻年夢
花樹陪從暇
日閒一夜微疴仍遽化
傷心南望哭顏山

贈雲樵上人

雲師帶雨過林隈
別後新詩更刮眸
午後鷄聲青野

霽秋霄鶴夢白山幽憐渠祝髮逃塵世要我忘形盡
日遊爲問中臺臺上釋幾人守淨淡無求

美人對

金宣叔歸相以思美人
贈之故次其韻以對

美人芳美人美人何事荒江濱十年學得琵琶語才
人選子期同茵思君不見心自恨山長水遠愁無因
海外未有知音者携琴抱箏趨要津絃色凋工不
理花落花開歲月臻客來勸我彈古操強把絃撥徒
欠伸水自洋洋山自岫美人方美人美人何曾老淡
閨深閨穩做君邊夢窓梅瘦盡鳥空啼

有所思

又用前
韻并寄

有所思有所思所思人在水之濱滿腹瓊瑰粹在面
終朝貼膝當蒲茵須臾立成千萬語珠溜玉屑紛相
因我欲從之終不得方舟上下猶迷津臘梅紅盡人
欲去流光如水荏苒臻所思在君君又別綠何重見
我懷伸江雲漠漠雪山岫有所思有所思所思元不
在香閨勸君須惜少年時曾看春鳥得意啼

族大父月圃公挽

粹質端容實著工吾宗型範獨依公騷歌一變荆門
俗棋酒遙凌晉士風通德郎銜非素志太平仙語已
成空傷心落下山樛淚疇復鄉隣獎後蒙

贈別金景天

秦洙

看君太早鬢邊秋，忽覺年光走急流。
海國傳霜來舊鴈，江鄉隨月伴盟鷗。
偶因聲利徒奔汨，要把身心更歛收。
數夜謾吟詩抱豁，籬黃開遍續清遊。

田家即事

晴窗無寐數更鐘，年事朝來聽老農。
騎麥經霖全欲吐，穉秧出水軟還濃。
何山有佛人皆活，今歲登豐戶可封。
却笑先生恒素食，園蔬甘啜亦珍供。

次興州八景韻

興守沈鍾淳畫八景爲屏拈韻求和

陂塘一面淨無波，步屣輕輕水上過。
仙子不來雲滿

壑白山何處聽芝歌

蓬島泛舟

細雨輕簷日暮時閒翁溪上髮垂垂知渠欲做文王

竹溪垂釣

夢不恨風期老更遲

老松蒼鬱白雲深岡鳥不來巢水禽勝地無因尋往

雲院聽松

跡使君來到獨沉吟

王孫芳草綠芊芊枯木春生尚記年北望雲山山不

錦壇題杏

見子規聲斷越中天

溪樓秋色遠山蒼一望平郊晚稻香野叟林翁前致

語侯來何暮歲穰穰

鳳樓觀稼

百道飛淙萬丈高巖容斬斷水聲豪欲隨江漢同朝

海繞出山門便急濤

龍湫玩瀑

浮空一石洞門開飛錫穿雲小禿來爲問仙花當日
事回頭笑指寺邊臺

石寺尋僧

千年竹竹事悠悠無限行人到此愁安得利刀刻彼
險飛驂西上急如流

竹嶺送客

敬次白南金先生

內賜屏韻

屏有無恃篇乃景廟御製而

英廟御筆也

英廟璿揮景考文楮毛依舊帶蓬雲南士誇張稱

兩絕東朝戎勿恃三軍御本知應留內閣圻州

何幸得遺芬積慶公家從此發要將德字警申勲

次呈姜景韶鳳欽移居韻

冬月新添一線陽離情更似日初長好是鶯喬能善
變云胡麝草斬畱香雲雨吾儕難會合江山何處獨
清涼隔水分張非恨遠送君如送適他鄉

再從叔吾軒公齊淵挽

先朝朝士重明經早闡魁名肅大庭仙樂隨班登
紫閣禁兵分仗直青冥九泉榮秩追卿月八耄稀齡
降福星昭代冠裳歸厚夜後生那復覲儀型

贈別洪侯秉燾移韓山并小序

我明府洪公治州之三載視官猶家視民猶

子州之民皆信之猶恐其課最而或去也未
幾有韓山之命韓比榮爲大邑上所以優
公者至矣而奈榮人之失哺何公雖欲終始
不舍亦不得已也於是乎州之民皆遑遑焉
若有失而不獲也奎陽於公受知最厚待之
也亦不在餘人而於公之政蔑有所補焉今
於留公也又何力而爲之地乎於乎公去而
公之恩在於吾民之心若公之績已石而耀
諸人耳目吾何庸贅茲敢構一律以備行轍
之覽兼表不忘之忱云爾

天送仁侯惠我民三年偉績徹重宸行人八境棠
無露多士承風卷不塵巷吠収聲公刷了官駟生瘦
解功新裁書欲寄韓山使何福渠州轉脚春

助卧齋舍拈韻共賦

愚山夕日懶筇尋歷落秋陰望眼森鸚鵡稻深雲翰野
色蛩林冷月鬧秋音荒村酒熟昇平樂僻境詩傳太
古心珍重故人來赴約良辰容易暢幽衿

挽宋文

相銓

先子於公齒德肩芳隣同住鐵山前而今缺界成塵
跡入事怱怱五十年

晚唐風韻老猶工
天意深知在我東
島瘦郊寒止此耳
詩人終奈不平同

記昔髫髻問字時
頻年詩酒泗之湄
最是高樓遊詠地
夕陽蟬語但空枝

故人來

此心如水淨無波
今日逢君始浩歌
幽鳥數聲山雨歇
高棋一罷夕陽多
憂愁頓却關心事
談笑渾生滿面和
書劔風塵俱已老
當年無賴事程科

挽金文錘

山東老一士
明月水中央
寶篋黃金重
書樓白髮長

金華先生集卷之一
怡親聯棣樂教子八芹庠螟哀能式似誰復典型忘

支離雨

天中始雨近流頭田事皆荒屋未修舊鸞銜泥巢不定幽鶯愁濕友相求高堂有客堪消夏大地何人可獲秋欲訴豐隆開霽景書生非是爲身謀

苦別離

浮生委地便恁忙何處離愁不此堂酒戶連宵罇已倒棋槃永日簾空涼高人晚節憐松翠遊子前期趁菊黃缺界奇緣知有定百相過我亦何妨

次趙公微榮梅巖幽居韻

點着奇巖數落梅遊人時復嗅香來
憑君欲問西湖主依舊仙翁坐處臺

洞府深局直直巖山靈慳不露天
巉巖縱然莫掩清真相掃除尋常野卉凡

山居無事不清幽花落終添一種愁
繞樹千回吟賞久詩中旋覺此生優

爲愛清閒此卜居百年心事一茅廬
山中不論和羹事味讀前人種樹書

挽金殷弼

汝說

殷兄與魯弟管鮑而牙鐘兩地無遮隔
些毫不礙膏

殷曾與魯語生死相隨胡奈西城路殷先曾不知
殷去魯無友青山痛哭之青山還寂寂春樹咽黃鸝

曉起

紙薄窓明懶不開寒床人卧石層臺禽聲遠雜風聲
聞山色疑添雪色來百慮關心縈似葛一身多病瘦
於梅課童兩兩携書至錯意情隣送酒盃

黃穉圭在鎮見過

此兩年年送客亭雷公應復惜詩名桑麻小露鷄冠
重楊柳微風鷺袖輕居非絕遠離猶悵逢不須頻見
有情却似閒雲猶解意終朝一抹遠山橫

次安侯昌烈同樂亭夏課時韻

池亭人坐鏡中天垂柳明荷曲檻前笙鶴千秋飛畫閣銅鳬一夜降文仙詩家行樂今年最才士風流此會圓鎮日酣歌餘興在鳳山深處覓奇緣

夏日遊伴鷗亭與安侯及諸勝共賦二首

江鳥馴人近檻飛煩襟爽却午風微閒盟與我湖邊住浮世從誰海上歸似怕機心愁永日偏憐疎影倒斜暉一生穩做平沙夢莫教泥塵污雪衣

恬風晴日似清和快一吟時當一歌高閣生涼流水近層城遮缺遠山多要將勝事留三絕都把塵機送

金華文集卷之一
萬波最是空庭人去後斜陽其奈白鷗何

翌日安侯續會迎薰亭 二首

官樓快暢靜還空槐柳陰陰送晚風遠郭村依山影
外晴林人坐鳥聲中菲微野草簾收綠的歷塘荷鏡
拖紅使君儘是風流客管盡南州地勢雄

池邊楊柳柳邊亭一快登臨爽欲醒無數雲山齊畫
箔不多林落傍烟汀高閣千年浮鶴影仙區百里壓
龜靈康年此會真同樂酒到君時且莫停

戊子元日會于臺上與姜景韶共賦

懶展徑尋筆上臺新春尚見故人來滿窓明月仍詩

境隔屋淳風且酒盃一水未妨吾輩會二年方始此
遙開周旋研軸知何樂解事荒村爾秀才

伏次凝石寺唱酬韻

江山千里眼重明聊把盃罇盡意傾
暮飛花啼鳥惹關情

挽宋護軍應燦

剛鄉稱耆德吾見廣城翁孝友追先志詩書懋晚工
賢庠承訓早優典賀恩隆一夕雲輶促誰將啓後
蒙

挽金丈汝綸

公我先君友生年甲戌同龍門修舊好犀鑑見深衷
仙帖晨星盡醫樓夕照空後生安仰痛薤淚落秋風

次蓮花山會中韻

煖日尋芳得得來蓮南勝事會重開平郊雨歇雲千
嶂廢寺花殘石一臺別界成詩清到髓韶光藉酒暈
生腮庚年往事憑無跡幾度春林長綠苔

次韋蘓州韻送安侯赴河陽任所

并小序

侯嶺人也剛嶺邑也奎與侯有舊而侯爲倅
於剛奎爲民甚相得亦不偶也侯以才學進
仕籍爲治務從簡潔尤喜士而好古莅未幾

率州人士行鄉飲禮於夫子廟庭選才子三十餘人獎夏課閱旬月而侯不倦與其選者多進就是年冬又設課條令私塾擇年德一人爲師旬日考講侯欲杖策巡視以勵其勤怠而令已具有河陽之命剛之士皆落莫焉如失哺孩旣又崖刻而眎不怠請願借而竟不諧於乎侯其去矣剛之人其無福乎以奎之愚亦嘗受知於侯趨下塵而望餘光者久矣於其歸侯手書韋蘓州送李十四東遊詩數十言以贈焉之詩也蓋道其落拓拂鬱之

意於我乎侯其有以也而亦不敢當也謹次
其意以寓河陽遠別之懷也云

剛州賢太守南國譽望尊莅民尚簡潔作士扶貞元
遠客懷名刺踟躇過公門暇日遊山水烟霞任吐吞
篆餘閒息慮酒後暢高論蠟燭照無私銖兩却懷魂
九霄達清唳恩命又南旂輿情皆願借街巷一時
喧多士來相送東閣水盈罇寄輿從此遠那復習池
園嚶嚶錦南子臨行寄一言

書贈金君

弼濟

遠客遊湖嶺風流迭古今非吾能相士知面却知心

贈京居族人豪陽

青年客到嶺南鄉知是遨遊學子長綺語多情困自
倒茸顏相對座猶香漂流莫恨萍隨水榮達須看木
向陽顧我書生心計拙百思周護竟無方

次呈金殷圭

禹昌

拋却塵機八靜中茅窓蕭灑雪兼風光陰流水居然
暮聲利浮雲到底空莫歎玄陰窮到北須看蒼宿轉
回東閒忙滾滾緣何事自愧尋章下異同

蓉臺晚集

平臺遙抱晚山青坐看團陰替一亭野鳥關情啼近

金華先生集卷之一
樹畔牛無事放虛汀故人儘有詩家癖佳句堪須酒
後聽剛喜風流賢上舍能令衰病耳根醒

睡餘有感吟呈金應由

輝輟

求和

開國茫然海一邊檀箕日月尚昭懸封疆不改三千
里禮俗相傳五百年八耳不干當世事寬心只有古
人篇豈真宇內無豪傑回首營營摠可憐

次應由題新曆韻

海邦新造紀元春幾度星書屬閏秦俯仰千秋堪一
喟不知遽戚是何人

挽姜護軍

輟重

太白高如許千秋日月明晉陽君子宅忠孝舊傳聲
海濱遺大老東國不招賢枉抱經綸志窮居八十年
厚夜聯雙劍宮宮碧玉巒精光埋不得星斗倍生寒

秋夜述懷

文酒虛名老海東沉淪不敢怨天翁續紛世態隨雲
變荏苒年光與水同升斗謀生憐老婦詩書晚計付
孩童蒼蒼屋畔松千樹歲暮令官立晚風

晚華亭新秋謾詠

幾度相思此一尋忽驚時序轉秋陰田家酒爛紅椒
熟官閣鐘晴碧樹深數日無詩憐我病百年知友許

君心好將此意頻頻速莫向杯盤枉費金

九月十六夜與金肅欽

正鏞

金景天會話

雲薄秋天晝日陰詩仙團坐小窓深疎籬黃綻霜侵
菊遠樹蒼涼雨過林自笑風塵餘劒手聊從山水托
琴心棲巖隱圃皆何樂徑把遊筇欲往尋

次商山四老韻呈朴侯客斌

商翁千古跡難尋平地仙遊四老今海市春犍歸賣
劒山衙朝翟八彈琴芝歌換做昇平頌橘局渾忘遜
世心優老安民逢此日當年何故碧山深

宗叔

齊榮

挽

是年正月

以家季會行

留洋數月

終累呼如有

所屬云故

故

末句
及之

吾宗十世典型存
屹立靈光庇一門
巷里承風威愛
并鄉譽
歷座德儀尊
靈旣改窆
追先志
古宅重新啓
後昆臨化類
呼應有托此生何日擎微言

方社小雨

行到山谿路轉深
雲局開處忽平林
黃梅是月長時
雨碧樹孤村盡日陰
驢背人來輸逸興
鳥聲花落覺
閒心主翁定有風流性
爲辦盃鐺此一吟

赴地主夜速與任都事

泳鎬

共賦

良辰佳句苦難成
吟到三更復五更
剪燭登樓梅下

宿者山飛傑雨中行驚人君不羞
王甫鳴世吾曾慕
屈平酒罷衙閤催曉鼓亂禽啼
樹覺天明

翌夜續會

城南四月雨紛紛華閣長燈到夜分
花落池塘魚蹴沫林喧歌鼓鳥驚群
禪家浴佛猶傳俗太守邀賓喜屬文
通宵不寐狂吟客歸路泉庄又訪君

北城暮春與任都事共賦

詞仙歷座一山傾勝事城南此日行
佛塔明花經太古官罇美酒釀昇平
窮尋往跡雲千載未破幽愁鳥數聲
滿目風烟收拾盡靈真未必在三清

送任都事歸中州 二首

離君情似餞餘春芳草斜陽古水濱
竹出迷雲生別路萍鄉新雨悵歸人
清吟復見新唐體曲何能效越嶼
徑欲相隨遊月下靈方無計學分身
坐寂林堂夕景移百年秋思送君時
亭臺有主吟樽續山水留人去路遲
碧樹淒蟬猶別恨猩楓回鴈杳前期
寬情更把陽關酒滿酌多於歇后詩

挽琴聖祿 學淵

馨蘭摧早蕙萎芳野草尋常祿晚霜錯似天翁迷分
劑誰將此理詰蒼蒼

金剛經卷之一
適往龍湖聞金應由留陳月寺尋往留宿共賦
蕭寺詩遙八夜開新秋人卧月中臺靈泉漱石寒凝
竹釋砒尋花瘦似梅半世未曾眞境到今朝爲訪故
人來朗吟欲向西峯去飛下無因藉酒盃

示諸益

人間何事勝無言一片吾心萬化存富貴看花終有
實榮枯驗樹必先根故山松竹閒培養別界烟霞任
吐吞寄語諸君爲善字誰知窮達各殊門

商山夏日

二首

草色如烟上客衣行尋詩社倦忘歸青山有主遊相

遠台首逢人夢亦稀古木春還幽鳥語平郊雨歇遠
雲飛商仙一夜同棋榻何恨吾儕世與違

商翁千載有遺歌三秀園芝竹一窩盡日棋聲松下
落暮年華髮鏡中多炊烟出巷鷄聲栖返照歸山鶯
蹴波到處狂吟塵外客傍人爭奈見嘲何

槐川小會與族叔齊鉉共賦

崩山一角轉成臺披草隨陰韻席開十載工詩餘皓
髮三春止酒始殘盃菖蒲細雨雲仍住楊柳微風鳥
共來浮世團歡非易事提壺盡日莫相催

次金文顯世洛木柵韻

呼雲與住石同居柵里依然似井廬三穴危安時變
動八門生杜日乘除登盤霞氣調仙飯嗅燭松明見
道書珍重厓翁爲此說莫教修業任虛疎

偶閱薛敬軒集有次許魯齋思親詩恪步以志

感
三首

一日千思又萬思儀容那復見當時巾衣在眼靡瞻
仰樽酒無心作笑嬉積戾祗應神鬼譴高堂終奈死
生離定知不久幽泉覲孤子今年鬢鬢已衰

思親何事不親思况復親承警誨時爲務耕桑崇節
儉休從棋酒任荒嬉誠修祭祀心無憾勤着詩書手

不離教語丁寧今在耳深知家道在興衰
夢見親顏覺後思儀形言笑宛常時頂摩少婦鵲髮
整膝抱兒孫雀躍嬉笑覺瞻依平日似那知聲歎片
時離林園手植今如昨痛哭西風萬木哀

有感

親在人皆欲顯親終然親沒倍思親爲言親老家貧
者莫事榮親事事親

詠歸樓同地主雅集

鮮淨衣冠巷里明風流鬢舍酒樽傾郊容晚西雲千
頃樓閣涼生雨一聲暇日哦松今太守昕朝徵篋古

金南三集卷之二
司成臨軒不覺傷時淚愧我當年魯士名

次姜周五

見永壽席韻

浮生六十一年春夢若惛惛却是眞懷寶誰消青海
價携書堪作白山人劬勞詎忍忘初度酣樂非要娛
衆寶寂是琴床當日約重泉遺恨詎能伸

挽李進士

璧洙

挾書遊泗塾遙憶草堂前總轡聯同棣斑衣歸采蓮
精華留小白究竟蹟重玄孝子終天恨何辭慰九泉
擬簡任都事盈德任所

官人傳說帶山翁匹馬西來皂蓋東老鳳不辭滄海

栗搏鵬聊試小風蓬
宦情嶺路秋雲白
仙夢瀛洲曉日紅
我欲觀魚遊渚漾
層濤萬斛貯甯中

病中閱李西涯集有和謝方石懷先龍詩四韻

感而次之
四首

春風日煖春山寂
悽愴孤懷欲語誰
代序偏傷榆柳火
終天深恨蓼莪詩
恩情怙恃如疇昨
疾病號呼異昔時
封樹祗今尋丈大
一回省處百回思

婉婦驕兒日笑嬉
親恩養子後方知
口體猶慙曾氏養
身名却誤楚人辭
年來轉覺林園趣
春到偏添雨露私
哀情欲寫歌如哭
自是柔腸老更癡

十年孤露百年悲白首新春對翠微
喔喔村鷄溪樹唱翩翩社鷺舊巢歸
園中物色心隨感海內情親眼漸稀
人事桑溟今昔異北堂歡笑夢依依
六旬備閱風霜苦百感偏從節序新
厚土衣裳長閉夜荒山草木幾回春
乾坤俯育酬無日江海風塵恨不辰
寄語高堂親在者有何懷作不平人

火爐

瓦形土質宛天成炭口何言欲自呈
百鍊精金非爾美千家舉火待誰行
點雪有功顏氏學狂炎胡被陋秦名
縱然一片丹心在爲竢重爲作聖明

喜雨

春山一洗漸生輝
野氣氤氳翠微荷
葉珠團魚蹴戲
桃花香濕鳥穿飛
人從萬類欣同得
事與三農願莫違
且喜園蔬新下種
晚來咀嚼足甘肥

戲次李西涯集中回文體

湘南極浦雁賓來
遠客悲秋幾首回
霜樹晚牕風送葉
雨簷幽砌石生苔
觴盈白酒詩情惱
案積黃經道眼開
廊曲繞行隨月好
唐初述作製非才

次金戚兄雲洛睽遙韻

孤辰重到舊丁年
完福人間此日遙
洞裡霞虹藜杖

金匱要略卷之二
秘山中歲月橘枰圓春厨解釀長生酒野客交酬不
老仙病卧無緣登壽席新詩聊復祝綿綿

柳世卿喬榮見訪共賦

綠楊斜路白苧衣十載相逢病眼微數日山行雲滿
袖一川風定雨過扉驚人麗句牙香動傲世清談麈
屑揮遙想玉淵亭上月至今遺韻在瑤徽

贈別柳致元

看君不厭復朝朝春雪高歌白玉標峽裡寄香梅一
本江鄉歸夢柳千條當年未返山陰棹他日相思錦
水橋從此交遊非晚計百經過我莫須招

遠山火

兜率天西火世尊夜將銀燭禮雲孫
遠岵煙通青海燧羣巒花發赤瑛盆
光或瑞星忙出屐明疑新月却推門
絕似蒸霞紅滿壑深山幾處是仙源

葉底花

綠雲深處見朱星
神筆依然彩樹銘
鶯欲傳聲疑別院
蝶猶餘戀繞空庭
歲晏殘紅何厚薄
時違接碧亦權經
覓花穉子尋常過
只道吾家翠一屏

聽琴語因以拈韻

押卦字

瑤琴清越響難解
溫雅風流儘我師
強聽我洋愁逆

金南史卷之十一
二三
旅那堪雲樹各分離
徵昕古制逢佳節
忘肉希聲朵
客願且待槐黃秋
大比翻成一曲夏追隨

畫梅

瘦骨杈桠回復迴
精神寄着古江隈
疎能逼格仍糊
壁寫亦疑香故引
盃石上方知
眞境在雪中
愈好活
看來新春不改經
年色
恥向羣芳次第開

次鄉飲時會席韻

賓主山南盡一鄉
衣冠遺俗正踟躕
笙歌迭奏三英
樂邊俎周旋百拜觴
雨不戲人樓杏霽
春同酬友開
梅香庠宮咫尺開
尊席依舊駐壇壝
禮場

鸞字來

山日長長鸞字飛滿天花雨濕玄衣朋情有舊鸞逢
語客路交違鴈見稀軟土含來三夏計輕簾飛動一
春輝爲言明歲韶光早別起高樓待爾歸

感事

獅褐蛛縫墨樣同亂瓦齊吠八花中春家南道秋關
北朝食西烟暮火東曉月徑尋村路黑夕陽歌出市
鎮紅曾前饒活我輕薄自說從今更厚風

夏日雲樵上人來訪留與共賦

穿雲一錫下空門煖日閒尋水上村座靜人遊玄界

寂僧臨詩帶碧山痕吟鬚笑我將銀色法相憐渠似
玉溫也識叢林多幻夢千秋應逐浪仙魂

金道一魯銖見訪

忘年十載托交深情夢依然八夜侵志業定輸閒歲
月文章已老瞥光陰要看舊竹尋幽徑高倚長松對
遠林海上海上詩仙能識面飛鳴款款下園禽

挽宋丈

光燠

昔我先君友心交幸托公逢時恒倒屣生歲又同宮
蘭帖名猶在藥樓座已空後生孤露恨薤淚咽春風

書屋

數間容膝一間書莫把溪幽笑我居
滿院松風憐瘦鶴半塘荷雨聽游魚
睡罷青山當笏立吟閒新月八窓疎
平生翫閱謾成癖春早栽花夏不鋤

讀史二首

風雲千載孔明廬紆策三分智有餘
心知帝室方歌器眼見王孫頻枉車
坐看北土輸奸賊肯許南陽讀架書
成敗自言非逆覩祇將萬事反求諸

陶老當年自愛廬田居底樂獨優餘
薄俸已曾辭斗米窮鄉元不到軒車
菊露關心修晉史風窓無事讀荆書
我識先生真趣味將言欲辨已忘諸

書燈

巧工隨意斲盤根手拱頭尖尺許尊
壁上畫多閒歲月
刀頭夜做別乾坤
缸漆鳳脂焚常繼穗結驪珠吐
更吞何處仙菽來燭案更生千古返英魂

秋日宋大仲源星見訪

三首

十載相逢眼忽迷
淒然重對舊冠衣
須臾古木悲黃落
取次虛欄坐翠微
林郭晝靜鷄唱穩
江鄉秋早鴈來稀
寒郊瘦島終何恨
餘事營求一夢歸

吟癖年來老便休
強隨朋伴托忘憂
秋將病去清餘髓
詩與人來喜溢眸
波樹連雲山逕僻
空庭如水月

痕浮凭君莫惜通宵話他日相思意更悠
端居十載少芬華詞客登軒月滿家年老逢人俱白
髮秋來何處不黃花剛慙酒瀝窮時賈爭奈離愁別
後多荏苒桑榆收晚景此生西日未全斜

槐社與金揆伯宅永叙話

野濶渚平天地寬乘涼遐眺足供歡誰憐菊逸來携
酒欲伴梅仙去解冠山同悟釋精神爽樹似高人氣
色寒浮生幻海渾如許那復情顏一笑看

客至

有客自遠方竒古世無匹聳肩直過耳垂手便下膝

問客從何來感然還咄咄沉吟見南山良久乃前曰
我本崆峒仙生在靈真窟朝餐沆瀣露夜伴丹邱月
千載壽民丹爲世將一出羲軒去已久姚姒忽焉歿
倦言懷九有逍遙遊萬物手搖呼風筆足躡凌波襪
飛山又越海周流通八達風土一何殊不可語同日
天竺尚法教冥心事穢佛愚民怵禍福燃頂甘毀滅
五常天綱斁六親人彛絕世無鄒夫子誰能斥邪說
恒代尚義俠儀行藉口古抵掌談功利使氣稱豪傑
庸君皆側耳仇人無完血往哉何足道千載汚史筆
江人漁爲事兒生便學沒不憚驪龍吸潏八龜鼃穴

持此哺妻子，响响自怡悅。胡兒獵爲技，弓箭以自活。
詭逐天山兔，暗射遼海鶻。只爲飲腥血，何須怕虐雪。
先王疎外服，不治胡與羯。最是中土俗，名教猶未歇。
殷周尚禮樂，孔孟傳衣鉢。讀書期聖賢，持身守名節。
我行觀天下，遺風尚可述。何人重繼開，斯道復歸一。
已矣今安適，吾心空拂鬱。主人頗驚怪，垂頭聽之畢。
言歇不見人，鳥聲在木末。

西路有感

遊子年年渡漢濱，舟人識面問平安。逢迎道上皆新
進，知舊京中漸好官。世變閱來心自弱，年光倏去劫

無端一盃濁酒猶豪氣快上東門最上欄

挽金士教

汝夔

天質粹溫分數明芳年期負也非輕暢讀詩書冰爽
臆精通詞賦玉成聲病深沉霜露重蘭音悽慘泗
河傾賴有佳兒傳舊鉢憑將遙慰九原情

題族弟成弼鎬陽

德巖遊償詩軸

蓮山一路近依微吟屐遙應踏蘚衣岸柳陰濃留鳥
語溪花香煖繞人飛詩家四節皆春景酒興三分在
夕暉何福如君連日樂浮生今古此遊稀

西臺晚眺

軟絲潑芳水一邊詩盟西社屬群賢
郊晴麥氣平浮屋村僻山光近
八遶千里奔忙餘舊夢百年疎放又
新篇古來名達皆如是此事吾將更問天

挽權而遠

大聲

數我平生友如君未幾人披襟看逝水把酒喜陽春
壽國仁無驗賢庠理必伸今成千古別難淚欲沾巾

桃花

春來不用買花金繞宅紅桃自恣吟古井沉霞蒸澹
色聞窓煖日透輕陰十年栽種園林計三月繁華富
貴心也使幽人忘世事仙源何待八山深

金南宮集卷之一
二十八
挽李文教鐸

稀齡七十六年加飄鶴仙姿髮雪華南社風流推首
席北軒詩禮數名家秫樽解釀三旬酒蘭砌分栽四
節花幾度匡床申舊契薤章一幅後生哀

次王淵亭重修韻

堂前碧樹座中春芬躅依然臭夏新相國樓臺惟此
地師門衣鉢復何人巖崖壁立花千丈江畔村深柳
兩濱粉字華扁增拂拭淵光清澈玉無塵

次柳賢民

道獻
晬愆韻

聞說家居樂有餘閒隨遊鳥靜觀魚長春樹老河汾

宅清書薰生洛建書契好能忘前世厚追遊剛恨晚年疎願言遐壽靈光在坐見儒風得返初

夏日山中客到

海天歸客到剛州爲釀詩筵侈上頭樹若有情通鳥語山曾無事許雲遊不吟莫可長長夏未老胡然種種秋數曲清歌當一醉堅城全破十年愁

次蜀人贈我國人詩韻

我來青海國天日照昭五百年今朝與君醉斜陽啼鳥落花前

原韻

明運歇
國人會

後三十年蜀人與我
昭陽樓賦以贈之

我有丈夫淚忍之不落三十年今日昭陽樓爲君
一灑春風前

白髮

渥漆垂絲異暮朝六旬強似百年遙穿霜勁直何名
草立重髮鬆這樣蒼古鏡傷心羞照日殘燈伴影度
寒宵縱然詩事頭無讓堪笑風情判壤霄

松下拈韻

詩到苦吟喜益偏吾曹無事況衰年如徒哺啜違心
契真箇文章集化權此日又同桑下宿前宵應伴橘
中仙古來名達皆遊跡豈盡當時繪畫傳

次迅雷韻示羅汝章

鍾奎

起處從西響在東者時無見聽時同心非上聖猶加
敬耳若全龍耳却似通大地如傾虹飲水皇天愈怒雨
呼風須臾萬彙俱歡動終是冥冥不有功

泉林社次綠陰韻

芳樹陰陰欲午天澗村夏日送如年書香滿架同蘭
室棋響生欄降橘仙涼簾微微清似水平蕪語語暖
噓烟願言分此均恩施莫使街人誦下泉

伏日泉社送暑

炎老金柔雨尚慳一天鬪烘火雲看是時苦熱皆狂

金匱先生集卷之一
杜何處清泉可濯盤衰病長於三夏日詩愁消却百
年寒篠意逐隊渾如昨白首相將只寸丹

泉社酒後

南隣客到酒西隣竹氣疏香正惱人林屋晝閒涼在
樹茶鑪烟細暈生茵盤登野餽清如水霜落吟髭響
出塵民事傷心經月旱堪羞衰伴獨長春

挽宋鼎年

祐永

碧梧軒在古城東軒外琴材碧一叢軒梧葉落秋聲
早流水高山太半空

荒年傾橐急人艱羸戚窮隣揔解顏一夕遽然成大

夢長隨承事去無還

人云公逝我猶虛披讀鹿裘相舊日書書後逢迎曾未
幾窮山何處送靈輿

上古松林遣興

楊風吹煖晚花香溪樹陰陰夏簟涼鶴與分山雲一
半鷗同忘世水中央騷腔未許容塵想衰髮無緣住
隙光珍重故人來踐約深知此會不虛張

村氓獲鴈粒飼戲賦之

秋南春北爾何忙贊幣無因八廟堂萬里江湖隨處
所百年寒暑老炎涼偶同野鶴依蘆白堪逐家鷄啄

粒黃從此駭機忘矢繳樊居條繫也非妨

斗巖秋興

巖郭秋晴欲晚天懷人人在水雲邊留連碧岫仍三日看到黃花又一年峽路朝塵沾屐露江村晚靄蘼蘼烟歌終酒罷那堪別攜手離亭各悵然

闕里社文酒小會

歸然閑社酒之溪追記前遊夢想迷十丈芙蓉臺石上一阡楊柳郡城西秋聲到處皆蟬語時事相忘已兔蹄臨老重逢今日酒不妨徑醉倒如泥

挽張聖三復圭

人生皆死死爲難當死而生生豈安取舍熊魚輕重
地精微毫髮是非間衰齡慷慨扶名節義魄淒涼返
故山當世春秋誰直筆公言留待後人看

藥水洞小集與李子翼

正鎬

姜國卿

鑰叙話

生牲於佩湊三州水驛天清晚景收泉通藥竈疑仙
躅山拍暗簾覩佛頭接席團樂忘少長盈盤眞率足
風流老我猶知濠上樂不妨今日作中秋

翌日龍頭權啓玄

大鍵

家觀魚會

浮生落地各西東缺界竒緣此會同數戶烟村松樹
碧一聲江笛蓼花紅詩歌繞水魚潛聽琴韻留山鳥

金南文集卷之一
破甌砌竹生孫床
棣韡主人清福老閒中

挽金丈

汝琳

吾鄉耆德漸晨星
回首東岡儼魯靈
課學明農閒事
崇溪仁厚德舊儀刑
一春松老先生宅
百帳花開孝
子庭每賀康寧
天畀嘏豈知今日遽脩程

睡堂秋月叙話

懷君經歲一開顏
滿郭秋容樂意關
南社詩人新結
契東都遠客久忘還
蕭條語葉霜前樹
汗漫遊雲雨
後山老去光陰胡爾健
崢嶸奇氣尚看閒

秋菊向晚金應由見訪

山居無事度重陽
多小籬花帶雨涼
九月南鄉霜鴈白
一方西水露葭蒼
秋深野屋風流澁
年老詩豪氣力剛
我願殘年頻見過
吟將滿軸酒盈觴

小雪

星斗沉沉夜未闌
隨風微雪覺吹寒
飛同亂絮輕無力
點着疎簾濕不乾
遠浦依稀羣雁過
平林仔細暮鴉看
惟有貞心階下竹
經冬猶自保平安

金應由初度日
李學士啓行晚正
休近體二律

以賀之追次其韻

天故窮人玉汝成
從今始卜好平生
羊羶却悔當年

志豹韓猶傳後日名不偶奇孫同祖甲無勞鞠子飾
賓觥經來萬事渾相類莫謂星宮異壬庚

衰暮於人不自求年光無奈急如流癯瘠同老鶴愁殘
髮閒似高鷹脫故鞵門上朝孤家又慶井中泥輕客
仍留山南近日文星耀為祝遐齡較海籌

李賀華

櫓

見訪留與共賦

客到衡門雪滿峯天翁巧戲入山蹤傍林為問平安
竹繞屋相看老大松別後衰容憐鶴瘦詩中愁病愧
龍鍾當時遊釣渾如昨誰謂分張距宿眷

挽族兄

鳳陽

儀相溫 and 性藹然家模守古典型傳芳年羽下琅林
竹晚景花生壁水蓮七世情親同一日二暮愁病隔
重泉相思每恨星山遠誰謂星山此淚先

山村對客

山菴如斗靜還空多少賓朋揔意中通簾竹色寒交
雪滿戶松陰樹欲風年老未曾愁賈瘦家貧無計送
韓窮請君須盡高歌唱從古希音在曲終

冬燠

閒居日覺歲推遷只怕寒霜屬疊邊雷送春心陽意
動山通泉脉夜淙連糊窓不改經年紙煖屋無多趁

金南齊集卷之二
三四
夕烟周燠秦寒何氣數吾將此理詰蒼天

白雪

千點飛花散六稜堆原壓樹積相承雲邊禿石看看
鶴天末輕翔去去鷹興到剡舟山水隔歌逢郢客畫
宵仍却憐衰髮同垂白銷得春風詎可能

雪窓對客

餐風虐雪夜沉沉相憶相逢意轉深赴壑長蛇催我
老隨床寒蠅爲誰吟居常好客無兼味至輒論詩尙
俗音願子不忘安道友剡溪歸客又重尋

十世儒名一卦宮清寒似我夏誰同初無學稼明農

志枉恃穿楊習射工堪笑迂翁貪亦樂那知飛將老
無功縱然窮達時非晚千載惟聞渭上翁

筆臺與成弼共賦

紫薇臺上近仙洲靈境何須海外求野社看梅聊遣
興淳隣送酒可忘憂半間茅屋留雲宿滿壑松林爲
鶴謀浮世無多今日會清狂何處見吾儔

挽金時應慶奎

栢翁亭子古龜城文藻江山世擅名百本靈蓍千卷
麓至今傳習古家聲

水清王削質兼文才子南鄉特數君歛却身心求本

金南史集卷之一
領一窓書史摠遺芬

東西隔水接隣芳
先好朋友交兩未忘
一片靈犀傾倒處
分明操守見逾剛

新春南北各脩程
何物人間這小名
我在西城君去遠
終然此訣負幽明

金紀叔

緯奎來訪與兒少拈韻因次以示二首

閒漫得句卧書空
揭起呼兒走里東
深樹流鶯來勝友
芳年司馬儘詞雄
人情海變年年歲
時事天知雨雨風
自笑杞憂消未遣
詩還無力酒無功

平林宿雨夜生波
弱叟衰僮樹影過
芳草迷茫連麥

氣晴林斷續送秧歌少年行樂風前柳岸士新詩水
上荷許我叅同知厚契吟雖成癖老將何

商山送別

驢背詩情雪後橋商雲八望路迢迢君無一事吟成
癖我奈千愁病未消曉雨初收鷄唱穩朔風將勢厲
聲驕如今城市皆喧聒寧伴仙人學吹簫

夢見亡弟覺而感吟

君何先我去幽泉泉下人間却杳然偶爾春宵來入
夢逢場握手淚雙懸

挽金正言

羽永

青年簪笏肅丹墀早判身心許國危大地藥裏同
此義上天波警竟誰知豐城日落龍光歇竹水秋寒
鳳吹悲雨覆雲翻終有待九泉遙寄慰君詞

自剡中回路留鹿門與族祖

禮壽

共賦

鹿門清僻古來稱爲把留珠韻席仍三月花風來倦
殺數村籬火隔疎燈思淡已少忘形友志拙還羞破
戎僧白首逢歡知有數却將餘日等除乘

泉林社次成弼叙別韻

逢歡誰似別懷多落木寒天征鴈過與月相隨三太
白臨風輕散百東坡江湖汗漫同愁夢天地蕭條發

浩歌人事悠悠催景蒼山尤奈夕陽何

方水餞春

留君百計強高登爲躡東城第一層
臨別悵於行遠客遣歸忙似八山僧
殘紅洗雨韶光盡軟絲和烟野色增
日下人歸須作伴百年花似此遊憑

瓶山金先生挽

遷厝時

天地純剛稟得貞先生遭遇際休明
冲菴正嫡傳經學陶老心交竚玉成
棘海星霜餘直節桐山風露邈靈英
仙和會有南歸日重慰斯文景慕情

李儀仲中鳳見訪共賦

相思幾度夢魂迷誰遣遊筇過小溪雲豁滿天都是
月冰消大地忽成泥情難一別留春雁詩到三章聽
曉鷄吾輩狂吟惟適意莫將聲律較高低

謹次雙碧堂韻

雙碧華扁義固然疎松瘦竹幾經年株盤平鋪花三
逕葉篆橫斜月一邊假使龍蟠爲大用從知跨鶴有
眞緣向來培養深根地山作徂徠水渭川

戲次羅汝章三節詩韻

押卦字

竹氣松心保晚節土床矮室足閒頤金枰犄角爭無
益革射弛張道豈離石逕蝸房行不履絲風鬢翼坐

常隨匏籬巷柳隣相比木訥謙虛直我師

姜寶卿鑄來訪與金應由共賦

一望平郊漲遠波秧人饁午盡肩簷涼生古樹依風
力炎送飛雲翳日華遠客勤尋情似漆新詩壓倒筆
生花憑君欲說心中事其奈斜陽別路何

柳善初道默來訪二首

半生交契一罇濃青眼相看白首心別界遊雲渾似
古情人舊雨又逢今吟艱幽鳥支離聽坐久遙山取
次臨却笑飛卿义手苦謾將俚唱足瓊音

詩祖江西久飽名逢塲何遽悵離亭野鳥歸棲溪樹

寂村烟刷雨遠山明半世沉淪時有待一樽微醉興
猶零憑君莫笑風流少遊到清寒是盡情

挽金文顯

世奎

文顯云歸歲再回歸如文顯定堪哀大言天下平時
議活法人間近世來阮籍雖狂窮是命劉蕡未第罪
非才青山何處理詩骨影事寒窓月在梅

南溪精舍與金應由共賦

二首

新亭晚到興無邊風景依依似去年溪樹篩陰幽巷
外平沙練水曲欄前偶從閒界機心倦祗恐清遊俗
耳傳酒後狂歌非放曠相看一笑却悽然

扁名三友貴先廬塢菊園松尚自如白鳥下汀收雨
後晴蟬依樹八涼初謾從聲海窮雕篆還遜溪翁事
釣漁往事分山今可證願將蝸室近仁居

挽李道源

學洙

天意竟奚爾徒然生此人華國非無手扶綱不有身
楚水鄉千里洛山夢一春普澤終收渥中原草已塵

次李洛應鐘奉鹿洞新亭韻

聞名已好主人亭快眼登臨更拭青活水鳴泉涼枕
席迎風高樹爽門庭閒居且可遺聲利僻地端宜保
性靈晚好盃罇知強託如今如覺本心醒

金南文集卷之一
新結茅屋

天地遽遽便一廬偏吾非狹廣非餘已足鷦鷯營小
屋寧容駟馬與高車繞砌定栽君子竹安床洽貯聖
賢書祇將暗漏無人處終始身心可質諸

挽黃應龍

在英

南國古多士如公今幾人家模繩父祖師範式鄉隣
製作終留世聲名自徹宸仙輶何遽促知舊共沾
巾

新年

二首

新屋纔成歲又初閒居隨事任慵疎風生老耳聲疑

蟋霧着昏眸字眩魚卧病居然回一甲看書無賴送
三餘向來乾沒追何及從此靈源保自如

檻外平川屋後崗晚年棲息占清涼匡廬願識濂翁
樂沂水思從點也狂處世何能堅脊骨安貧常恨少
剛腸看書送老無餘事稍喜新春日線長

挽李翼華

玄翁門下我尋師君是玄翁獎詡兒歷歷芙蓉臺上
路鈇斬課日喜相隨

平泉花樹海翻桑門路依舊草堂悵憶前塵遙一
夢幾回經度獨彷徨

以金南之集卷之一
千金隻字義難忘一念相須着寸腸多少寬山料理
事待他成就屬賢郎

涼月深窓卧病儂暗中思索舊音容百年後會終何
日緘送哀詞淚一封

新春會于上古拈韻共賦

六十年華鬢髮驚一春逢作一昇平風流舊是東都
主灰劫依然北固城藥餌隨吾常疾病花時與子趣
清明知渠亦解新年樂啼鳥斜陽不盡情

次朴僉知

容斌

贈金應由韻呈基本倚軒

薰亭如昨舊遊人對酒遙應說伯倫肯學轅駒長俯

首已屏琴鶴不隨身北堂寸草思餘日東閣寒梅夢
幾春謝客看書無外事使君心志本清真

次全汝明奎炳逸愚臺韻

賢庠晚計築愚臺疊石齊軒長碧苔蒼處不違顏所
樂溪名應復柳從來半塘荷影三分竹一榻芸香數
本梅幾多名碩閒題詠此日登臨眼始開

留鍾山與張聖瞻鎮泰共賦春興二首

人道書生不自謀此翁皮裏尚春秋幽禽出谷知隨
友芳草沿溪任喚愁偶向風塵同失脚晚耽詩酒更
回頭優閒恰做平生樂吾輩曾前有不

金南宮集卷之一
四一
虛名半世百無餘自笑黔州短技驢數日江行來倦
客一春花事訪仙居如何勝地長携酒不是遊人好
讀書晚唱驪歌仍惜別此心雖老可忘諸

挽金聖安

性洙

晚歲心交氣味同逢人每說碧堂翁聯床琴酒留佳
客赫世箕裘矜後蒙川社遺芳梅帖在臺看勝事榮
盤空臨風落下無從淚埋却青山玉一叢

新川滯雨與金周瑞

王相

共賦

三首

奔霄無計遇方輿誰惜山南老我曹三月花風雙屐
倒百年松樹一堂高浮雲有事留時雨流水何心激

處濤滿酌村醪歌浩浩不妨喚我作詩豪

終朝宿霽暗前山乍見霏微八樹間野漲紅添花錦
水街塵青挹柳陽關狂吟恣恃曾前手衰髮渾疑別
後顏老子今行知不負詩仙許我與同班

枉筭當時學子虛今年多病此身餘鬢邊歲月忙過
鳥心上江湖樂與魚萬壑留雲新雨霽一川垂柳煖
風噓閒吟盡日還忘返自愧詩情老更疎

題冰巖幽居

二首

巖翁野性本清廉茅舍深深此久淹古木皆花春後
落脩鱗未雨澤中潛三分水色門垂練十世山庄屋

比簷我唱慵詞歌隱操麗人應復笑無益

老去詩情不厭多一狂吟是一高歌豐徵滿眼須更
雨時事關心到底波背郭溪村茅數屋沿溪斜路柳
千柯離筵把手還惆悵芳草幽花又爾何

次權平銖

應星壽席韻

悵憶前塵似去年蒼涼南斗一星懸二親遺躅青瑣
宅諸子供歡彩舞筵到老寬心貧亦樂浮生完福壽
爲先須臾轉幻惟人事缺月誰知後更圓

三峯月夜與金宣叔共賦

江郭春晴月上巒羣峯圍繞立雲端桃花小洞村容

靜松樹微風澗氣寒勝地有緣三日話詩人無事百
年閒吟哦未必增雕飾剪葉生花試較看

挽丁義叔

寅變

名家遺範質兼文才諳風流獨出羣始信琅玕生久
竹終知脩節直干雲

山陰遺事竹溪濱儕友鄉隣若箇人煖酒香茶當日
樂如今追憶已前塵

族叔

齊成座上少集

桑間榘熟麥腰齊客子臨門日欲西了事平郊新雨
歇含情深樹晚鶯啼逢無別語來猶喜老或狂吟格

金南六集卷之一
反低忘世誰知幾上叟斜風垂釣下前溪

七月既望鍾山會話二首

天南淑氣注羣山簇立蒼髯款八顏旱墅翻耕民失
望涼樓經宿客忘還苑花惱日長垂架松樹成陰自
掩關到處逢人常惜別不妨臨老學偷閒

晴林開豁始看天此地藏修問幾年洞府幽深兼水
石山村寥寂少塵烟紅炎乍退仍秋氣白首相逢儘
好緣歎歲優遊知未易將何歸路各悄然

元朝有感庚子

晨盥修儀拜廟先庚年今是舊日生年劬勞已恨貧無

報膚髮常愁老未全心上親朋皆白首腹中孫子恃
蒼天經來萬恟如千歲不妨呼吾久伴仙

庚子正月十四日女孫生書示金應由

蒼天非敢怨白首正堪憐我昔生子晚前期似杳然
此兒已生子其間又幾年無論男若女但使壽之延
及我癯衰日酒瓶列眼前縱又不見此春薺尚可咀
且知生女母又當生子賢洽過四五歲抱孫花下眠
中宵卧輾轉暗暗祝蒼天

次晉公守誠孝行錄韻

能天有感不能人至行也藏度幾春莫恨旌褒恩

未及君家傳世篤仁親

挽李穉根

潤培

種德根仁七十年誰知基福在心田芝蘭美植階庭
列松菊溪林第宅鮮我昔山中逢活佛公今地上作
真仙麻原尚記曾行路悽送輜車涕泗漣

次權冲逸

相翰

倚居韻

四首

而子華名籍昔年相逢一笑各充然文章已賀當時
鳳懷仰常多近日蟬宇宙悲歡曾是夢男兒窮達也
關天由來謀食非吾道誰識心耕有上田
詞垣終古戲魔兒無賴虛名惹斗箕荀廢楊貪同此

患郊寒島瘦亦明時空談棹室終何補白首青雲未
易期百爾營求皆枉筭閒窓誰似學曾思

先賢芬躅此幽居泉石依然感舊墟罇酒逢迎隣俗
厚叢衣顛倒野情疎移居一日寧無竹對客三時不
厭蔬付與兒孫加愛惜還鄉猶有滿箱書

老我泯居亦可吁一生如是送朝晡惱看隣秀携書
到却喜親朋置酒呼種粟荒田知水旱栽花隙地驗
榮枯一罇復會知何日留待秋風病骨蘓

挽金德養

重浩

投膠自妙歲終老兩心知緒業家傳久功名數轉奇

書生猶有膽時事却長噫病久違臨訣幽泉閉幾時

次宋大仲晬宴韻

六十年回夏一年忽忽花甲度周天窮於海國由詩
故老矣巖鄉絕俗緣柏氣隨春添壽酌梅香和雪掃
賓筵縱然孤矢違初志玉樹琪花列眼前

會全汝明逸愚亭

鬱立蒼冠十丈餘看松猶記八山初仙鄉揀取名花
譜京國稀傳厚祿書峽墅移田連廣野巖塘覓水活
清渠老吾亦抱幽居韻徑欲隨君縛小廬

謙菴柳先生挽

緬禮時

夫子河南之伯程當時儒教煥重明溪門雪立先諸
弟匡老霖姿有是兄鳳舞十年傳勝地虹光一夜會
佳城靈和又向基川路追憶當年涕泗傾

蒼厓夜集

三首

佳節須從景物新一川秋月鏡無塵槐陰滿地庭如
水菊氣酣霜酒復春白髮非關天下事蒼山相對意
中人通年取醉今宵最不記燈前倒着巾

豪遊未必盡名都行處高山坐處湖流水百年琴韻
在高秋何日菊花無西京鼓篋開周學南士衣冠集
漢儒詩酒猖狂憐我老誰人論著壓潛夫

金南文卷之一
齊頭林木過肩牆詩社西隣近接芳遙浦鴻聲秋氣
早近窓蛩語漏更長華堂是日萊衣祝甘谷何山菊
水香短髮蕭條猶醉興歸冠笑整不須傍

挽族叔齊鷹

吾門隨事必須公支厦祔舟儘有功重喜佳兒能善
幹樂翁家學向餘風

逢處傾歡別後思百年花樹托心知我常吟病公常
健胡遽公先使我悲

龜亭晚詠

江閣迢迢石一端苔痕依舊百年顏靈龜瞰室玄通

水華鶴控軒翠積山逢處萍鄉皆夢外尋來蓬嶼却
人間詩堪遣興吟還苦爲破仙區半日閒

蓮山歸路伴鷗亭夜集

夢覺蓮花洞裏天湖樓人坐曲欄前撞簾華鶴雲千
里隔水村苑月一邊邂逅春城逢舊雨依稀夜樹漲
孤烟佳辰勝友兼難得罇酒何時更此筵

挽姜寶卿

聞名十載晚交君笑說逢場責沈文盡日評詩梨浦
酒斜陽分袂杜陵雲征鴻幾度音書阻匹馬當年訪
意勤珍重瓊琚留藥麝而今披讀頰生芬

次羅汝章壽席韻

君生後我我君前
雌甲相交間一年
九月黃花湖上
屋六旬華髮座中
賢仙方攝養沉痾
祛庠士供歡晚
福圓往事榮枯渾
是夢祇須餘慶付
蒼天

次黃上舍

肇夏韻

山重水複路回遮
十載相逢鬢已華
驢背春隨豪士
橐鶯聲花老故
人家紛紜世事
雲皆變倏忽
浮生日
欲斜一夕團
樂非易事
君看俗態
薄如紗

金衡彥

載銓見訪戲吟

健步詞場早策鞭
今來華鶴宛從天
道夢依稀迎赤

岸仙緣邂逅還青田竟歲相忘雲外志終朝無事雪中眠居然鬢髮同垂白虛度人間六十年

挽朴進士

遇尚

三峯石假闡南鄉守得師門一寶藏餘事詞章升國學晚來棲息晚蠻庠點塵不到巾裳淨坦地常安屋宇光花塢蕭條秋已盡疎蘭瘠桂獨遺香

新齋叙懷

四庚子在座故末句及之

千古悲歌殿下泉詩誰金擲筆誰椽溪山有主皆新面雲樹關情更宿緣小巷烟淡人語靜涼天霜落雁聲懸浮生會合俱前定誰使庚星降一年

金南文集卷之一
四八
新春逢故人 二首

時變看看十分真
隔旬前事已經塵
逢春幾日如生世
明月今宵又故人
酒借韶光常在面
病隨寒令始離身
自來狂縱浸成癖
堪笑風情老更新

閒居無事不清幽
一念何曾到外求
好月常思心上友
名山時作夢中遊
非詩傲世難青眼
謂酒扶衰已白頭
自歎生涯料理少
栽花時竹有餘謀

挽金表翁聖欽

禹泳

嗟嗟聖欽乎君胡止於斯
耿介君之性端雅君之姿
制事量先定臨機筭無遺
自眎如拙局虛老亦堪悲

知君莫我若謂庶享期頤緬惟先大夫望七極二兒
人稱稀世慶箇箇玉樹奇如何天未定空谷一蘭蓼
惟君早超庭唯諾最鍾慈悲歡閱嘗久偃息是自怡
年華已鼎鼎冷過稱翁時美屋自安身腴田可忘飢
子女俱冠笄滋汎甘於飴所冀天假年榆景樂遲遲
客臘寒感日表姊送鄉輶適時君有病始聞頗驚疑
旋臻勿藥報節宣必隨宜那意二豎妖已先在傍覩
及聞赴車至始疑耿報欺匍匐哭君靈不見君容儀
於乎君死矣生者亦何爲歸家我亦病幾與君行隨
大限猶未至一息尚支離聞君方即遠不可無我辭

一字沾一淚千古痛無涯

鄭德章見訪

浮生逢別一何忽伊昔相期在洛中
駟隙偏忙東去水鴈書幾阻北來風
山窓忽到髯驚白村酒無多面借紅
名若誤人初可悔寒燈愁對兩衰翁

挽族祖

禧壽○二首

詞垣旗鼓眼無前塲屋周旋猥比肩
漢水秋風清灞路達城烟雨古江船
名韁得失猶關數末路蹇屯奈爾天
處士丹旌楸下宅知應茹恨到重泉
邇來形質兩全忘行處相隨研墨塲
槐夏清風盤谷

野松陰斜日古谿傍
駉蛩未必愁離合
鳬鶴何須較短長
而我今年新屋就
開春誰復共花觴

族叔齊成弘日設席

炎日支離似一年
忽逢詩士意懽然
衰來誼重金蘭契
興到歌終伐木篇
遠遠鳴鳩尋柳巷
輕輕乳燕度秧田
早知此會鱗相續
不妨移家向酒泉

上元日遇雪泠寂追次金應由見寄韻

春來人到却懽然
重喜新詩着我先
強把僊音賡雪曲
山牕半寂正堪眠

留客

交人省面我交心青眼逢君白首今紫蓋山前長往
客黃梅雨後喜光臨鬢邊未改經年雪愁裏相看盡
日陰祇愛瓊珠生筆下蒸炎好是一開襟

次再從叔齊恒壽席韻

童穉情親及老成六旬如夢記初生
耄孺怙恃終年樂兄弟團和滿室平
書史究深仍髮短溪山守靜竟身輕
妻兒獻壽賓朋賀完福人間此日觥

次方水精舍韻

懶屐尋芳八洞天茅亭蕭灑脫塵烟
崗巒窈窕堪修飾
櫺櫳虛明合誦絃
令節且宜分日飲
仙庄不用買

山錢居然邃壑成
蹊逕留與諸君勝事傳

挽李啓行

憶曾初際郡東城
卓犖風儀座已傾
詩禮陶山夫子宅
文章又繼古家聲

瀛仙已老鬢生斑
一夜西風宦夢寒
末路蹉跎驥未展
青衫歸卧白雲閒

蜩夏連宵睡老家
孤筇共醉滿觴霞
隱侯衰暮臨歧語
那意今朝送薤歌

無題二首

姪末紛爭衆議橫
時王誰復識黎情
洪流奔放三英

界羯落憑陵萬里城白刃無多殉國士青燈虛老讀
書生詩狂半夜長歌發星斗蒼涼望帝京

名存王籍效無功白首山村病一翁黃葉滿庭仍謝
客青榆無路可輸公官人到處行新令田事今年幸
少豐爲倩故人重考簿莫辭籌再點泥紅

次姜進士會元晬宴韻

完福爲難度此辰君家吾獨見長春玉樹成林花已
實繩緣終老月重新傳世功名庠上士康年樂事座
中賓蒼顏雪髮逢相笑曾是同隣逐隊人

立春夜與族叔齊鉉敘話

天機寂歷了無聞冷煖須從一夜分新月透牕當好
友和煦添縷祝明君更探梅萼微凝雪寒盡松心直
拂雪看此三陽醇化暢令人不飲即成醺

梅史詩云鯨前無大海山外有高欄宇宙紛紜

客空然膽自寒之句故反其意而和之

梅史齊
鉉號

鯨大猶潛海山低亦壓欄紛紛當世客底事膽先寒
陽回草遍野日煖鳥登欄爲問梅消息緣何獨耐寒

心誠

堯舜傳心法其言十有六堯曰允執中舜加惟精一
明夫堯一言如是方幾及禹湯用執中文武以建極

萬古夫子聖君師位未得羣聖有真傳繼往開來學
思聖得再傳深懼道統絕一部中庸訓言言合符節
此心存不存治亂昭可覲蓋嘗論是心虛靈有知覺
人心與道心厥初原無別人莫不有形上聖言無欲
人莫不有性凡民好是德道心自純善人心未始惡
有如靈源水涓涓流始達有如臨風浪擾擾易混濁
終然判二道遂分聖與跡所以君子心惓惓不敢息
我用撮其意作詩示迷督要使爾易知敬述父師說
勿謂我言老耄朝夕以常目

一貫

夫子語曾參吾道一貫之曾參卽曰唯門人終是疑
曾子語其由道則忠恕已吾常疑此言反覆究經旨
大哉聖人道散萬合一理夫子引不發索子錢貫此
如何曾夫子蔽以忠恕止蓋聞君子道聖賢同一揆
一部曾傳要繫矩而已矣均齊與方正非恕又奚以
思聖作中庸及人以推已違道斯不遠丁寧爲我指
強恕與謀忠諸子亦有記恍然斯有得百世留可矣
題哉范堯夫所學惟二字終身用不盡斯言亦已至

記夢

癸卯元月朔主人夢遊京城以一祿裹數卷

丹子將寄諸人而適他過南門外有傑屋問
之隣李姓達官其主也入其室中堂安一卓
而無人以丹襍置卓上而去明日往追之有
一少年出空襍以示之曰此否有一人曰何
其疎也不見主人而遺之以物今求之誰也
余曰吾見主人之家矣聞主人之名矣吾旣
信而遺之今子匿之子疎我乎我疎子乎凡
與我同類皆人也今子同國而居服吾服而
言吾言吾不子信其誰信之彼外國人之交
迹於輦下者服章殊語言異吾以人待之彼

亦以人信我彼之信不信在吾待之之如何
耳吾子以是心承君之官而行君之政吾恐
彼外人者將以人而疑人邦其危矣遂作詩
以遺之

天地大如許不能容我身既人不我與從誰更適因
與我同其類賦性亦同仁我疑渠不信吾誠彼亦親
所以先王化八荒仁愛均已矣乎國無人莫我知歸
去老荒濱力學以求道保我膏中四時春

錦南文集卷之一

錦南文集卷之二

書

上宗文判書

弘壽

頓首再拜言千萬不意令子承宣公奄棄斯世伏惟
暮境慈念悲悼沉痛何以堪抑承實在晚追惟驚恒
不能自已奎陽早嘗獲私於門下以連世同庚疊施
恩念得與承宣交厚深知其文雅器度可備時用曾
此大闡旋躋清顯少試民社邊氓僣藉方此傾朝屬
望交口引薦經幄廟謨朝夕虛待而公所自期亦非
循例填補慕念名位而已天不佑斯世既畀之材竟

嗇之年古人所謂不可少者也顧此孤畸落魄久荷
傾倒非止叙敦睦修眄睺之好而自以爲兩相無負
今焉止此踽踽隻影只自吊自悲耳冬日甚寒不審
台體候持服將護免致愆損奎陽罪逆深重先考見
背終祥奄經俯仰靡逮只欠一死耳追伸几筵豈期
等待禍患餘喘積苦沉病未堪自力畢竟上負台念
下負宿好愧窘何言嗣後躬修難期必副伏惟台慈
俯賜恕察

上洪侯

秉燾

春暄政體衛重奎陽賦性固滯不能隨時俯仰深懼

夫蔽痼益深見絕於當世之賢君子矣迺者明府下車之初特垂不鄙遣吏投書又辱枉臨優念之意溢於分望固知閣下欲行古道於今而但恐所施之非人翹首清塵頓覺問巷生光第當奔走追謝而病不能進敢此替候采增慚懼

與柳賢民

頃歲校齋之會獲叩清譙繼又勤枉申致繾綣非惟世好之不疎君子愛人之德果非淺淺所可窺測良感良感首夏經體萬衛奎陽賦性椎愚不知輕重內外之辨而出沒塵白顛沛至此畢竟無所成就重失

賢士友交遊之樂今白首紛如歸卧窮廬從前尋數
亦未收拾其終爲倥倥一鄙夫而止耳竊欲及此暇
時一躡高軒以副平生之願而始以世故終又疾病
竟未免壁者之談走徒切黯黯歲底金友翼汝自貴
邊傳致盛教令和初度韻固知子固之短有所未敢
而亦不可以孤厚意冒拙構上乞賜斤教如何

答金應瞻

輝軾

老炎薰入懷仰政緊謂外得拜惠訊披玩欣豁悅如
羽濯謹審省體萬衛竊想名亭水石與好主人賢朋
友相對消夏此是物外清福而吾兄乃能從容安享

徒切向風馳羨自恨塵踪之不得躡下風而望清光
也奎親候僅免而自身日事奔汨半在憂慮半在
冗海中有如沐漆而不自解何足奉澆年事大地皆
歎而鄙近雖云少豐渠則不農人畫餅何足充飢也
但仙果及熟日噉幾許顯高卧北牕風便有登瀛涉
蓬之意俯視世間食肉啜王者有若斥鷃之笑大鵬
恐不免其人之反爲所笑耳獨享仙味弟亦無聊茲以
五十桃奉呈一哂以啗如何

與金應由

近不當阻而阻實由於我未之先也旣悚而悵則其

次也卽詢兄體萬衛校塾養士事地在共事諉兄獨
賢須切愧寔弟之前後辭免實由於事勢之不得不
然者而僉賢不諳不堪之實狀使之推八於難強之
地誠所未曉以渠鹵劣百無一似於鄉間而於尊衛
好古之意則自謂不後於人至於專劣此任則必不
免覆餗之譏豈外面飾辭以致支離哉且粗有平日
執見些毫自慊於中則不欲苟且冒昧前日鄉事之
每每退托者以此故也幸善爲措處俾有實效如何
竊念任事諸賢皆諳於事務必皆有定筭然以渠淺
見供億一款最爲關慮嘗聞國學通四齋六十生進

時節支億皆有常定而臨時取辦窘束無比況以偏鄉孱力抄取數三十多士一年之饋實無支出之路徒取虛名以致尾大則豈不爲公私羞辱也此非細事萬加商處是望

與金應由

潦暑無前阻晤幾時種種懷想如隔七旱九潦恪詢庚夏靜體動引衛重奎近以痰症動作有碍天欲使此漢終爲愁病中物耶良亦可歎立閣事想已定筭而如何經紀如座右者不爲左右而袖手而已則誰將此任當初發論雖是過中而刻石以表足爲不忘

之資鄙見則莫如築一臺於泗上巨石大刻三字以圖不朽此猶愈於堅石立閣勞民傷財且閣則有時而壞臺則永世久存所費又不啻閣之十之一此爲今日經權俱優者而又使當世巨手如大兄者記其事一丹永爲來世美蹟則此亦爲稱頌傳後之一助耳未知盛意如何弟亦與聞於始事而尋常與隣比同志議到則亦有所從違故陳此瞽見勿以越俎見誚耶

答金應由

此阻悵烓方緊謂外承訊慰賀倍萬承審尊體衛重

奎以眼眚數日合眸以坐似是前此動作臨風爲祟耳廟祔之儀鄙家前日光景無暇及此而廢之久矣此非向人可道者而若於可爲之時又復苟簡而不行則禮無可行之日矣鄙意則以三日畧設酒果告于元位似宜而至於妣位則已祔同廟亦一例耳恐不必別爲奠告之禮也且凡禮儀必須參酌古今要得其中可也若一一合古則恐有權輿不承之譏顧此平日識見凡陋於禮一字從俗以過且於尊座每以勿用煩文爲托者正是伎倆中出來語也愧汗奈何

與金建伯

弘植

伏惟和煦尊體衛護奎陽姑保劣狀就外先祖芝村
先生遺文傳世已久而未及奉覽爲恨今復備考博
搜克力重鋟僉賢勤事之誠已極可賀而先生之德
業名行將可久於來世矣斯文之幸孰大於是奎陽
地在共事未嘗與聞於編摩之役僉賢不以爲罪而
爲念宿契俯寄一帙得以雪手莊讀宛陪平日操几
之側俛仰興愴不自知發於中赤也道塗稍濶末由
趨謝瞻望南雲祇增悵悵

與姜景韶

前此聖凡同異之辨無端起鬧今又細思之此是大
段病根自顧昏冥之見專意尋摘未嘗從事於本原
之地率口而發偏主己意紛紛舛錯雖是戲言亦涉
狂妄且見前輩此等論辨惟務下氣尋繹要歸於至
精之界耳豈有如吾輩今日之爲者哉蓋心主一身
而本然之性該載不可專主於理亦不可偏謂之氣
也若以心爲形質而直曰聖凡不同則形質是理外
底一物耶有是理故有是形也必也合理氣者然後
此心之全體大用包括無餘矣上聖下愚皆有是心
而本然之性元無同異氣稟之拘昏明始判其同異

之辨政在理氣分界耳由奎之見而必曰聖凡之心
元無異同則是氣亦同也由兄之說而直曰判然不
同則是理亦異也此是渾淪說去而若曰所具之理
聖凡皆同所稟之氣賢愚始異則兄所謂異者氣也
而氣無理外之氣弟所謂同者理也而理無氣外之
理則亦同而異異而同耳若不分言理氣而只以心
一字相詰則終無究竟之日幸高明虛心以納之有
以教之耶若夫孔子之前無後無此不待明者之說
而觀夫自生民未有之言則當日及門之諸子已嘗
言之矣雖然天之生物本自至公只是理與氣而已

但物之不齊乃其情也其間不能無清濁粹駁之爾
殊耳要之稟其清與粹者爲聖爲賢而駁而濁者爲
愚爲不肖也生知之聖固是天生底無待於勉強修
爲而若乃省察慎懼底工則亦未嘗忽焉故以堯舜
而有危微之戒曾思而有戒懼之訓也豈聖人自知
天質之美萬善自足不加毫末而但爲學知以下不
及之人而如是汲汲以勉之哉此伊尹所以有罔念
克念之戒而聖狂之分間一髮耳寧不凜凜乎其可
懼哉且以大聖人極造地頭而言則誠如天之不可
階及而今以中人以下之質終身用力豈有到得那

渾化者哉此明者之論見得儘好然以學者立心而言則聖人亦人也堯舜之心卽吾之心也孔孟之心亦吾之心也雖其氣稟有不同而濁者可變而清駁者可變而粹矣一日行堯舜孔孟之道則不害爲一日之堯舜孔孟矣特所患者或作或掇不能猛省而實用其力耳聖人何嘗遠人而爲道也明者必曰何以不能猛省而實用其力乎此氣質使然則抑有說焉聖賢之學能變爲貴先儒氏所以有變化氣質之論若曰聖賢是天生底而吾不可幾及則終不免暴棄之歸矣此等處不必局定說去而通上下活看之

則吾人分上亦有無限好事豈以口舌爲給而強爲
矛盾而止哉幸明者裁察焉

答黃聖習學銖

臘月望獲拜惠訊乃至月所裁於殷山寓舍而自芳
村來者披覽欣喜可敵穩討且其滿幅繾綣實出勸
勉之意而但遣辭支離謬加稱詡區區竊有所未解
於高明君子之於友也責之以善勉其不及交相勸
戒者惟直諒二字而已奎雖迷劣猶知過情之爲可
恥而亦粗有自知之明則豈以明者之譽而乃敢抗
顏自居哉若其友道損益之諭立言之際些有病根

竊恐緣此而有損於高明也會傳或問之專意鉤索
聞甚欽艷兄所寓之地有芙蓉龍鳳之勝重有金李
二君之資則兄之近日所得想不少矣早晏當致身
於座右以攄時月未見之懷而亦不可必其副志矣
法田書教令人起敬不覺悚汗固當佩服終身誦之
而竊所懼者流水閃電不我之埃居然到不感知非
之境而此志未立此心未定擾擾一念汨汨塵白卒
爲高明之棄人也幸須時賜提警得有萬一之效則
及今用力似亦未晚惟明者察之

與金聖欽

比寒靜履連勝陶院處變事近日寂未聞稷槩殊甚
悶鬱疏舉發行在何間而定會於何地云也聞軒弼
先已上京云寒程遠涉極爲代慮奎年非甚衰而當
冬跽齧有似癢瘁且無代步致身之勢聞變多日未
卽奔問公私負罪心焉自訟鄙見則今行只是上言
告變而已陳疏恐涉張大亦僉議有定何待鄙言而
進退也製衣疏必有稱停可堪者矣謬及鄙人殊極汗
瞿旣名在錄中故偶搆一本自量未協人眼爲秘草
計而於從氏文處姑欲仰質僂中付去君可袖進勿
煩輪見卽爲還送如何

與林寧海秉斗

正月初邑人來傳歲終考課寧府爲南省最績得實
心二字褒此蓋模寫得執事本狀而尤驗仕學之兼
優肯綮之粗施也其所以仰體民社之 寄俯勞字
惠之念無一事苟假修爲之蹟以至上採之公實正
呂舜從之勤於職事乃所以求知者也敬爲朝野一
賀也奎自聞息蓋東臨每擬一書以伸而不惟病懶
莫振僂梲且未易尚稽至此何望其先施之不較也
僕生老海邦局束鉛槧徒有望洋之歎自聞執事莅
海思欲與年儕數人杖一筇費旬日勞逍遙乎觀魚

月松之間見波濤之浩渺觀日月之沉升以暢塵滯
之膏抱又藉簿領數日之暇酌酒吟詩令老妓解之
足以備風流勝蹟而病脚硬澁難期必動又無惠好
適從竟付悠悠之適耳聊知仙吏厚貺必不與俗子
勻分也幸於哦松之暇收拾餐瀝餘瀝因風惠寄亦
足爲劉安之雞犬何幸何幸前歲過廣川仁廬時令
旆住京及海榮還追聞其多日宜亦有一際而適
以身病出沒人鬼殆半年餘由此而鬢髮形貌頓非
疇昔雖使對面必不記前日吾也寧不矜憐而又爲
之一笑耶朴杏史任帶山往在京城數與之相從耶

追想前遊心未嘗忘也奉際無由惟祈撫字加護

與宋德敏學永

卽惟峭寒省下體況清裕奎直一病塊耳歷歲呻吟
的無痛處而四體萎重一向愆和此何症欲宜治而
累試不中但以平心調養爲上劑將書卷以度日亦
不勝漆寂之懷悶憐胤君今不廢技玩否於此事似
有留念可嘉須加策勵爲望

答族弟成弼

近閉關養病無意於世而忽生下車之勇復八年少
叢裏所得只毫末而其爲名利累良可愧也況爲士

子笑烏可免乎追念從前三十年汨沒場屋得失未足槩諸意徒以先子積誠懸望惟此等準的而竟未伸人子之情借使來頭有成誰適爲榮只自悲恨而已且廢藝已久神精氣力大異前日未知隨例策應亦作何如也且炎潦甚妨觸冒跋涉豫爲頭重來諭中許多稱賀恐先進之放心說到也然鄙亦百戰之卒豈以一譏爲殊世奇功耶覲然不敢以受而前頭可觀則許君信手談嘲奉呵奉呵

答金紀叔

國哀已的聞矣普痛惟均卽當趨班叅哭而適以微

慎姑且停行謂外承訊憑審省體萬旺又無勞損於
遠役之餘爲賀萬萬奎塊坐守歲百懷交中但新年
所望身康室平而動作不僂食飲頓減乃知韓窮楊
貧非逐而送而可去者奈何蓮會當初設施亦涉好
事而若以未建爲恨則孰無此心乎此日設酌亦古
人所戒然一二屬會已是經中之權更何異議使已
行者不安也

答宋世玄

曹煥

謹承惠訊曷勝慰賀尋繹之工固知有素而今反借
聽於龍耳多有不敢當之語良覺汗駢奎賦性蠢愚立

志未牢出沒窠臼百無究竟尤何敢開喙以效尊教
之萬一耶然相愛之至爲獻一得之愚如明者所云
學問爲善等工夫欲求之於日用酬應之外耶如賓
祭家室之左右接應皆適其可卽此是學至於超脫
塵相高談義理者此與吾儒家法別爲一論於此有
見焉則吾夫子餘力以學之訓自可不言而諦得矣
幸明者詳之

與金孟言

昌慶

先鶴湖先生墓道豎碣有日伏惟當日德業文章之
盛炳朗乎傳誦之口者從此而貴諸隧道使居者敬

而行者式此不獨尊門之幸抑亦斯文之光尤令人
欽艷而起敬也奎陽所居鄉卽先生遺馥之地而重
有通家之誼平日曠慕不在餘人卽當踴躍獲覩盛
儀而賤崇跨歲沉痾末由振作替送家姪恭希恕諒

答族弟景七

休陽

向因轉遞承先施尚今感荷復回未卽裁答歉恨何
如卽惟春暮哀體支相課學一味硬着不爲外誘所
撓集初學之士惟一勤字爲向進之要而自夫舉業
廢名利之途絕鄉里無讀書之聲向之尋索章句粗
尚學問者亦一切放倒未聞回頭改圖習俗之弊固

難挽回蓋學問是士之農也勤於農者不以豐歉異其心叔粟布帛何可一日無也爲士者亦然豈以外至之功名得失而累其心哉如其刻意篤工至有一分實得之效則其利於身心奚翅名利之利於外而已哉哀侍年富志銳能拔出流俗留意此事儘空谷之蘭而泥沙之金也幸須十分破確以副區區之望也若夫八門之路則不在多說先從小學書得力字字尋究節節理會以知爲人之方然後外他經傳之旨亦可次第而通貫矣昔寒暄金先生有小學童子之稱而終身讀此非後學所可法者乎今人每以無

賢師畏友爲恨即是故爲退托而實無向上之心者
學要爲己何求於人哉以己心爲師則吾心亦嚴師
也尚友古人則古人亦畏友也又何必齎裝負笈以
求遠方之賢師良友也若或近有質問之人切偲之
交則可頻頻就資以免孤陋此乃實學也惟哀史諒
焉奎以功令廢棄之物年齡已衰疾病連仍如干披
閱束閣已久如此而有分寸之進於前者乎凡此張
皇皆無諸己而望於人之聽信未可知也相悉之
地猥此覩縷幸勿以人廢言也

序

居接錄後序

邑之有校所以興學也興學之要養士爲先而校之有東西兩齋蓋本於胡安定經義治事之規而實爲多士肄業之所也然而上之人不有以養之者養焉則其學焉者亦惘然無所於歸而惟彼齋室只是歸然無主之一屋子而已吾榮介於安禮古稱鄒魯之鄉而羣賢輩出多士林立衣冠文物苑爲嶠南之翹楚者職由於興學養士之知所先務當時官師之任又有如崔侯河相者踵接而肩比上焉而教養有道下焉而學習有所士之居是邦而當此時者豈非千

百世不易之佳會哉繼此而世降人遠鄉綱日壞士
風漸渝環鄉多士之稍知向學者夙宵憂歎謀所以
克復古規振起頽綱而州大夫前後莅任罔不以學
校爲急補漏與弊多小賢勞而但養士居齋之尚未
復古者以其財帑之不贍而供給之無廩其亦有待
而然歟我侯金公啓鎮適知郡事祇謁聖廟旋視學
舍憫其棟宇之傾頽塗塹之湫圯而自廟堂重有學
校修葺之令侯乃謀于衆鳩財辦費先修明倫堂
南有尊賢堂而隨缺隨補役不擾民事不妨農閏月
而落之工既訖以其所零貲別置養士所今年夏設

取士試其翌日又面試而極精選得詩賦各二十人
使之居接於校齋逐日考試第其高下歷數旬而罷
與其選者皆充然有得及其歸也聯名一帖序其顛
末各賦近體一律以志其不忘之忱拜辭於東軒侯
設酒饌以待之既歸帖中諸人屬余記其事顧此顯
劣亦一鑪韞中人受賜於侯業已多矣且喜載名於
僉賢之後遂乃作而言曰士之生東國者不於京洛
則在於嶠嶺已是一幸而吾榮又著於嶺邑邑之有
賢侯實是多士之幸况侯所以博儒術興學校上有
以奉承朝令下有以宣布德政則士之生斯世也亦

非幸中之尤可幸者耶或曰今侯之績最於南州脫
一朝擢諸嵬顯則於朝廷爲大幸而榮之人則其爲
不幸之甚又不知明年亦有是事否耶奎曰不然侯
之德如水之澤物止者爲淵流者爲渠溝洫之所通
灌溉之所及不過百里而止耳及夫放乎江河洩爲
雲雨則四海九州之內皆蒙其澤侯之自榮歸于朝
也興學取士一如治榮之日則八域人民皆同其幸
而吾榮之人亦有預焉苟或榮人福猶未已得遂借
寇之願則安知來者不如今乎然而幸不幸天也非
人力可到而凡我齋居之人各自以侯之心爲心不

以侯之有無有所勤怠則榮之文物庶不負嶠鄉之
名而今日諸生之幸安知非吾榮百世之幸也乃以
一幸字爲明府祝上以爲朝廷賀下以爲多士勉焉

起菴詩序

歲赤鼠之復月余及金宣叔携一簾帶一經共寓於
槐川之廊舍實爲就閒而肄業也日宣叔要余而言
曰吾與子之窮不自售不可專委諸命而在我者亦
有所未盡爾韓公所謂無患有司之不公明者正爲
今日準備語也且夫天之生人各有其職而耕非吾
所業工非吾所學賈亦非吾所能豈可無事而食以

費好箇光陰耶與其不能而強也盍取其能而勉之
哉余聞而笑曰子之言誠善矣而於吾心竊有感焉
夫士之生於世也進不得有爲於世則退將修之於
家而凡於日用事務之左酬右應固有罅漏莫非吾
職分之當爲也若膠守一士字以尋摘誦讀之學自
謂平生事業而以蓋其名則不幾於一偏之歸乎况
吾宣叔剛之名士也其才超而銳其學博而瞻終非
局於小者而早爲科舉之文讀十年書閱百家語做
程文萬餘篇其於頃刻得失之用綽有餘矣而猶汲
汲乃爾者盍以其心有在而不敢決然而舍者也文

公所謂壞人心術者以吾宣叔而亦未免焉余亦病
於此者又安得辭其款而不與之偕乎遂乃移床於
東崗之村舍其間又倍於前之廊也相與聚首交膝
擁爐呵硯汨沒於子書同異之義方不勝其淅寂有
人自石鼓來投一封瓊瑰序十餘言而尾之以古詩
詩一律乃次其韻者而卽起菴金殷圭氏所贈也其
言約而簡其韻清而遠有足以警發人意而其與吾
兩人所樂者亦遠矣然以其樂之非在我而攜其樂
以謙之則是非使吾兩人者勉以自進於君子之樂
而交修共進之意也因以所問答於宣叔者序其言

以送之如使明者覽之庶乎知此心之樂不專在此而亦未嘗不在彼也

金國民小字序

吾友金周瑞迄順年而舉丈夫孫見者不以爲晚而賀其後而異焉曰余造其廬以人之所賀者賀之周瑞抱兒而坐之膝笑謂余曰兒度百朝而吾以國民而錫其字有以也知我者莫吾子若也幸一言以志之余曰大矣哉兒之名乎夫國者地之限界也民者人之總名也以廣則天下萬國皆國也以衆則天下萬民皆民也惟其民而盡民之道以之華其國而國

以之安然後始乃國爲國而民爲民也詩曰天生烝
民有物有則夫所謂物則也者卽所以盡夫民之道
而始於修齊以底于治平也不曰天民先覺者乎所
覺者此也不曰先民是程者乎所程者亦此也有國
於萬折之東衣冠禮俗古稱小華而民於是國其目
有四如其爲士爲農于工于商尋常而止則非所以
錫名之義也要余以畢其說者非所謂前所稱數者
而必欲爲盡民之道者耶余觀韻會民之聲濶請衍
其說爲國民祝其辭曰

觀光于國爲國賓兮出仕于國爲國臣兮抱器于國

爲國珍兮生此王國爲國民兮與國同休宜爾子孫
振振兮

記

懼菴記

余觀夫大易澤風之象曰君子以獨立不懼蓋古君
子之遯於世賢而無名下而無位卓然自守確乎無
悶則何事之懼又何懼之有昔我族大父好笑公居
常坦然自好所居之室顏之以好笑怡神養性夷考
平生百無憂懼八十年如一日而終蓋亦有會於君
子獨立之義耶公之胤子蓮谷翁名其菴曰懼作記

若詩以實之要余畢其說余辭不獲三復而言曰於
乎翁生笑翁之庭居笑翁之室承笑翁之志服笑翁
之行而翁之時與笑翁之時不加異焉則笑一字亦
足以肯其堂而侈其室矣奚以懼爲翁乃瞿然而語
曰唯唯否否昔吾先子之好笑能容而不忤擇善而
有辨恒持戒懼淡然無欲使吾不肖輩能知夫今日
警懼之爲何樣物事者何嘗非承襲聞見於家庭者
哉易所謂獨立不懼乃德成行備者之所爲也使吾
先子當之亦當撫而謙允況於余乎然易之爲書觀
象繫辭因其所蹈而戒其所行則不懼二字焉足爲

君子立身之常耶是以大堯聖人也而有多男子之
懼武丁哲辟也而有修德之懼以至書之祇懼傳之
慎懼何莫非君子修省之要訣若膠守獨立之義不
加敬懼則不幾於孟施舍之所爲者乎且吾賦性柔
軟心志虛弱今衰且暮矣居家而事事皆懼處世而
人人是懼懼之一字未是頃刻而有離則可不爲常
目警懼之資乎余乃再拜而言曰翁可謂克其世而
檢其身使後之居是室而升是堂者莫不肅然以敬
惕然以省必欲無懼而後已易曰敬懼不敗懼翁以
之於是乎言

闕里社重修記代人作

社之以闕里名蓋舊也而其義微矣嶠之邑素稱海外之魯而剛於嶠又爲文明之最山自小白而來東南走七八十里爲鐵岳而夫子廟在其東鐵麓旁抽蜿蜒而西斗斷而臨于溪上芙蓉一枝環抱爲曲阜而臺其巔卽吾退陶夫子所命名也水之襟合乎前者西曰泗溪東曰洙川而有山截然特立字兩水之交者龜山也挾洙泗而龜山而落焉者蓋闕里而里有社社之朔在崇禎年間竊惟先父老命扁之意非直爲山水地名之偶合於魯夫子昌平之里而已

居是里者家絃誦而戶禮樂依然有古聖人遺風也
顧其設立之始規劃有緒條約至明置莊舍以贍其
用講信義以勤其會德業以相勸過失以相規吉凶
以相助一遵呂氏鄉約要使後來之人顧名而思義
無負我闕里之號而世乎此者亦將承龍襲而遵守之
春秋續會長少序齒衣冠之踰濟樽俎之禮數殆若
當日之闕社而世級寢降鄉俗漸汚向所稱規條設
立之義僅翔羊之存其名耳嗟夫江山人物之顯晦
升沉亦氣數使然數百年間川陸互遷風雨頻仍棖
桷傾瓦衣漏巋然一屋岌岌有時日難支之慮乃於

今春僉議齊發以朴某權某幹其事斥邊壤許追錄
以爲費去濕就塏移數武而得新址寒燠庖厨之室
仍舊而濶狹之閤幾月而役旣訖酌酒而落之督一
言于余以識其顛末辭以非人而不獲且之社也修
之於古丁未而吾堂曾祖文巖公實記之事若不偶
然者於乎吾夫子闕里之居吾未得見之矣今吾鄉
去闕里不知爲幾千里而先輩之尋常命名無不吻
合僉君子不以里名之美爲美而深究其美之實則
闕里其庶乎今觀闕里之堂山水流峙之依舊村落
閭巷之依舊百年傾圯之屋亦復重新而依舊魯斯

堂者人孰無追先感舊之懷而盖有不久者存吾黨之士盍亦圖所以挽乎今而返其舊也僉皆盡然曰唯遂書爲記

左松記

木之中於材者莫賢於松其生也深壑幽谷干天而直蔽日而大尋常而過者日千百不心於制量及夫匠石者一寓目而其長短大小各適其用譬如賢士之處山林而擢顯膺陞而右者也反乎此者飽風雨忍霜雪貞其節固其本能守歲寒之操以全其天而止耳不亦類於抱道懷奇之人置諸散閒廢而擯於

左者歟雖然松植物也其何能欲右而右欲左而左
乎亦在乎人之取不取何如而其遇不遇亦天也日
吾友真安李聖在過余而言曰今吾溫洞所居室卽
吾從先祖松齋公之舊址也土居者因以松堂襲其
名吾姓之真乎此者已十數世矣宅左有阜阜之上
有松癰腫不適於用今蒼然已老矣吾自少攻文不
合於時泮居而得於嘯咏而爲聲者鏗錚竒怪適以
自娛而人皆掩耳而厭聞之人與松已左矣又松與
聲音義偃而近松之發之聲韻者亦隨而左矣故吾
將與是松爲歲寒期而自標以左松蓋亦受而無辨

之意也請一言以實之余聞而笑曰子之號之無亦
有介然於懷耶子之世右於國子之地右於鄉子之
學篤厚勤密吾黨之自謂楚楚者無出子之右而況
子之先世封焉而松齋焉而松以至堂焉而松以世
其里抑不知當世以松而知者有先於子之先世之
松之右者哉今子之以左松而自居者非松之使子
而左以子而左夫松子之志亦已左矣且夫木之就
用必戕賊而後成斤斧以害其生龔斷以喪其真入
之見者以爲華美而木之性已離矣此柳子所以惡
夫災而莊生所以善其終也彼郊於國牛羊而牧車

馬而躡朝晝之檠僅可尋尺而已者其得失爲何如
哉又况人之所謂得志於當世者車服在前刀鉅在
後勞其形苦其心屈而不守者豈止木之受厄於斤
斧之甚者哉嘻彼溫之原挺然而立鬱然而翠者是
松耶人耶貫四時而不改其夷險一節者乎閱百歲
而方茂其大材晚成者乎其直也可以立吾志其承
也可以進吾業吾子會於是可以有得矣亦何揀乎
松之左與右也子其勉夫

農坡記

農於四民一也而人所以資其生也古之君子有不

得於時者則必托於是而自晦焉有莘南陽之耕最
其著者而沮溺之耦冀缺之耨是其亞也昔樊須氏
請學稼子曰吾不如老農竢其出而又責之以小人
此士之所不屑也以至居之至微者曰農家人之最
下者曰農夫於是乎士與農始分而異矣豐之東有
農坡翁者過余於川上之書舍出示其所爲農坡說
者要余識其事余作而詰曰翁士也非農也口不掇
伊吾手不執耒耜惡乎其標以農哉將有慕乎摯尹
之樂其道而南陽之不求聞者歟抑又沮溺之果忘
而冀缺之聚德者歟翁乃輟然而笑曰吾子其欲聞

翁之所謂農者乎吾居無負郭之腴家無擔石之儲
脫粟麴糲之供朝晝僅需時或屢空而不恤也不役
役於畝作不汲汲於有秋貧富不關於心豐歉不繫
於懷而究其所以全活而不至於飢之者則未始不
資於農也宅邊有一小坡每看書氣倦携策以登逍
遙散步徘徊聘眺若夫晴郊日煖春作旣析炎風方
午饑莖齊出黃茂野熟秋穫方殷寒天霜肅萋萋滿
車此田野四時之景而一寓目而舉集於前若是乎
吾之農非古之所謂躬耕手鋤而謂之農者也余曰
至哉言乎翁可謂脫畧塵務而遊乎物之表者也愚

請以士之農者而進說焉記曰立義以爲土地修禮以耕之講學而耨之先儒氏有聖人農師之喻蓋亦從事乎是也翁復惕然曰吾老未能也請爲之記留爲子孫戒因次其語而歸之

錦南記

并銘

錦翁未有號幼而小字者父母家庭之呼喚也冠而名者譜系試帖之用也加以字者朋友相表之稱也晚亦不偶職名未加於身不喜標榜無所稱謂人之呼我或名或字信口輒應自知吾之爲吾而無事於號也或於佳辰雅會拈韻展軸執寫者寫訖摘紙尾

以目之迫之甚乃率口低首而謂曰錦南是也向之
浚之和我者亦荆見也卽悞爾曰子亦有號乎吾聞
子之先世有以南而行嶺之稱三南所以偉之今子
之號之有以也無乃取色與相之鮮於錦者耶翁曰
否否是貫也非號也吾明告子吾朴得貫於羅州錦
羅之舊號也潘南始封之縣也錦南二字果非吾家
世守而不忘者耶況吾所居之地載輿誌爲衮川從
俗而改今名衮與錦又類也在小白兩水之交基川
之水自錦溪而南竹溪之水從錦壇而南衮合而橫
抱於衮之南以其所居而亦未始非志其實者也由

是吾於文字應用處無不以錦南而書之曰貫則曰貫也曰號則曰號也此非用之周而應之泛者乎翁之素性然子其休矣是爲之記系以銘曰衣錦而綢惡其文之著而章也南方而居愛其德之柔而強也匪號伊警聊以終吾生也

錦翁傳神記

吾東無良畫有德位而可遺真於後者必求之中國及自外交以後奇巧眩幻之術惑衆而迷人者不一而足聞有移真者以一大鏡掛之壁以當人而對之坐以素本而印之雖日傳萬人百不一差惑焉者以

重償而購之此豈理也哉翁貧無以償又貌之不揚而無待於相爲也然人無賢否而於後人則皆其先也如有旣世而欲見我者言行可以想像筆法可以覩記是則我也可依俦而知也翁生於憲廟庚子至今上壬寅年六十三幼而少則吾已忘之矣所記者皆今也翁貌不甚傑傲而不至寢陋色不甚清秀而不至醜頑面可法尺而一額之廣半之自顴而懸頤居四之一眉長而疎堂不廣頂上微有橫紋眼有精而無彩瞳色黑而微黃鼻隆而孔豁耳聳而岸郭厚而門潤珠有垂鬚小而短唇上無髭而咀脣畧

有毛兩頰無髯齒之前者皆完而人不見其豁牙上
下皆落而不能嚼輔老而凹髮短而疎喉之聲清而
亮今病而凝舌之用利而便今衰而硬頭大而圓項
堅而直肢節不秀而長幼戲而手有痕恨其未全也
衰病之曾常喘知其未攝也背以後鏡之所不照而
翁之所未見也其所見者亦外耳見翁者與其見吾
貌而見之曷若見吾心而見之乎翁之性直而剛廉
而潔外若躁而內實緩事若疎而心則密利害而未
嘗與人較是非而未嘗與人競銀根粗解而不敢以
文字傲人簞瓢不繼而亦不以營私爲累若其奉先

而欲其措劃則不殫勤勞牖後而欲其成就則無間
親疎此自少至老而終始不改者豈予欺予神之聽
之嗟夫人生於世豈長生而久視者乎惟其不隨人
而朽者功名德業文章是也若翁者無益於時無聞
於後將草木與澌而盡矣後來之人若知有我而欲
見我則我在是矣幸勿見我之貌而笑之見我之心
而倣之是亦不忘之孝也錦翁記

跋

書晉公

守誠

孝行錄後

余嘗聞興州古多至行特異之蹟瀛洲而有孝子權

公得平之旌德山而有處士裴公純之間東西相望
十數里之間煌煌棹楔耀人耳目豈無以而然哉蓋
大小兩白之幹逶迤磅礴東南走數百里至飛鳳竹
水之間夷而曠爲人物都會之府意其文明清淑之
氣生出許多奇偉英賢之士有名於前後者指不勝
僂而特以純孝而蒙優褒昭載輿覽以勵風化者上
數君子是已竊嘗欽慕而艷仰者久矣日有晉生祚
永袖一冊而進曰此吾五代祖孝子公記行也吾祖
純誠事親之蹟載在此錄諸先輩撰述已備而遐土
孱孫無由上達尚未蒙褒揚之典塵箱一錄將至泯

沒而無聞願吾子一言以闡幽光也余作而曰顧此
寂寞之人何能及君言耶遂乃雙擎而讀之公諱守
誠其先全之南原人也中世移住于興公興之生也
幼有至性篤於孝親出外而得魚肉果物必持而歸
遺及長就養無方惟親意是承冬月而得鮮者王祥
其似之有疾而嘗糞者孺陵其人也空手適市而得
金者郭巨之釜金也背負適野而舒鬱鬱者江革之負
母也古之人只各一事而朱夫子編之於善行書之
於列史以爲後世勸况公以一身而兼此衆美而全
之哉所以環鄉人士一辭稱誦呈官而有優獎營題

繡袞多至卷輟而九門遙遠無一人上聞者使此
絕特之行終爲巾藏朽休之紙亦誰任其責哉公能
積誠于躬致此靈異之感天之報公未始不顯且揚
也丹旌朱楔於公又何加損也所可恨者興之以孝
而旌者所在皆是而公獨不與焉抑天道有通塞入
事異古今而然歟嗟夫追遠亦孝之一事也生能世
其家而不墜先志懼夫遺跡之或泯滅遍歷四方要
聞其美晉氏其有人矣詩云孝思不亶永錫爾類君
之謂矣君其勉哉遂次元韻以塞慈孫之請兼書其
事以歸之歲白牛之重陽月

書朴臺端遇賢茲山錄後

往往玄鷄之冬朝著多事臺端朴公以軍銜抗章言
事至被嚴譴或者謂散官封章不免出位之嫌余
嘗聞而薄其持論矣日候公於菖浦之郊第出示其
所記茲山錄者擎讀而領其槩袖而歸繹數日而盡
在島凡十有二年公之一生執守之堅踐履之篤於
茲可見矣嗟夫今之論事者率趨附聲勢逆意乘時
以僥一時之倖而市身後之名若此者何足道哉方
崔疏之出滿朝和附黜大僚而斥言司睢盱旁午罔
敢開喙公獨奮不顧身直言不諱竟使異已者捃撫

羅織文致重科必欲擠陷於罔測而後甘心焉公能終始不撓供對明白及出圓扉遠竄荒徼嶺海千里視險如夷此豈無所得而爾乎向使公怵於威禍而有些覬覦則必不能確然自守而刀鉅之且不免矣及其絕嶼孤居隣於鬼魅而浦泯海的亦皆實心傾注以至當日見駁之人值諸同島怨釋而情厚輒伺其匱而周之給斯可見人彙之所同而其亦知公言之不可已者耶若夫原疏中數條肯綮善於辭者已辨之不遺矣余不須言而亦不敢言耳且後之人覽是錄者亦必有惜公之志而悲公之遭也是爲識

家藏古硯識

家有二古硯傳言嘯祖以節使赴京時 皇朝賜與之物寶硯凡四一則刻龍形一則鏤竹葉而藏之宗宅二則并畫葡萄梅竹而爲吾家所藏宗宅則失其守獨吾家二硯在雖未有的據之蹟蓋古物也往在壬子家有洊禍歲旦歛荒先考奉老挈幼無以資活歷數什物無一錢可直者不得已典此硯於隣得如千米斗以保時月時余年十三每垂泣而告先君曰第宅園庄雖蕩斥無所顧惜此硯不可與人先君卽愀然曰吾豈不念此硯之爲重也奈吾病親何又汝

釋輩何必有見還之日矣其後四十年無暇及此而人事已變矣余懼夫年代浸久先志之或未副也與羣弟相議收合一石租二貫銅於本直爲倍積四年而二硯俱完此理之無往不復者也古人云寓物於人朝遺而夕取之有得有不得是硯也經四十有五年之久而重爲吾家有亦天意也茲記顛末以示來後幸傳而無失也

書三禎七吉兩墓所謄錄後

於乎此吾父祖二代墓所省掃時謄錄也遠巖而有三禎洞我王考墓在焉而本生王考葬其下壽院而

有七吉洞吾先考衣履之藏而先妣祔其東歲一省
掃每以薦羞之無麵爲恨年前與羣季輩收合得若
干物積幾年而就兩所此是錄之所由始也吾家本
清素歷十數世雖無軒赫之足以聞於人者蓋其積
累德義之久則天必報施以福而其發也有時矣今
以地名而考之時則亦不偶也禎者祥也一不足而
爲三吉者善也行乎三而爲七則爲吾父祖之後者
家家而祥人人而善三三而極其數七七而窮其義
以至茲錄之薦羞節品歲以益殷無愧於君子追遠
之誠也若乃子孫之繁衍門戶之顯揚亦吉祥之可

驗於後而人亦有以稱之者吾將有竢焉請以禎三
吉七而祝之孝悌睦友家之祥也勤儉修省身之祥
也戒懼謹慎心之祥也且夫吉人之心爲善是務而
其目有七奉先也裕後也修己也急人也愛物也劬
學也力本也此其畧也而背乎此者非致乎祥而樂
乎善者也傳曰國家將興必有禎祥又曰君子修之
吉凡我同祭之人盍思其名勉之哉

書家李應晉手謄通鑑後

士之有書冊猶農之有器械農之家十而有器械者
止一二焉伺其隙而假借無不與者利其用也而習

俗然也吾見今之有力者市山編海帙束之而閣以
爲侈美玩好之具極加寶惜不輕借人此豈古人所
謂藏書於山爲仁者之心者耶吾季君應晉迨五旬
而舉一子以其年手書十九史少微鑑凡幾冊精楷
而可讀驥兒今六歲矣已解音讀其能終始勤篤以
無負乃父之意耶傳曰雖有鐵器不如待時時不可
失也勉之哉

錦南文集卷之二

